

- 4.001.01a tvām hy agne sadam it sāmānyavō devāso devam aratim nyerira iti kratvā nyerire |
 4.001.01c amartyam yajata martyeṣv ā devam ādevam janata pracetasam viśvam ādevam janata
 pracetasam ||
- 4.001.02a sa bhrātaram varuṇam agna ā vāvṛtsva devām acchā sumati yajñavanasam jyeṣṭham
 yajñavanasam |
- 4.001.02c rtāvānam ādityam carṣaṇīdhṛtam rājānam carṣaṇīdhṛtam ||
- 4.001.03a sakhe sakhāyam abhy ā vāvṛtsvāsum na cakram rathyeva ramhyāsmabhyam dasma ramhyā |
 4.001.03c agne mṛlikam varuṇe sacā vido marutsu viśvabhānuṣu |
- 4.001.03d tokāya tuje śūsucāna śam kṛdhy asmabhyam dasma śam kṛdhi ||
- 4.001.04a tvam nō agne varuṇasya vidvān devasya helo 'va yāsisīsthāḥ |
 4.001.04c yajīṣtho vahnitamah śośucāno viśvā dveśāmsi pra mumugdhy asmat ||
- 4.001.05a sa tvam nō agne 'vamo bhavoti nediṣtho asyā uṣaso vyuṣtau |
 4.001.05c avā yakṣva nō varuṇam rarāṇo vihi mṛlikam suhavo na edhi ||
- 4.001.06a asya śreṣṭhā subhagasya sandrg devasya citratamā martyeṣu |
 4.001.06c śuci ghrtam na taptam aghnyāyā spārḥā devasya mamhaneva dhenoh ||
- 4.001.07a trir asya tā paramā santi satyā spārḥā devasya janimāny agneḥ |
 4.001.07c anante antaḥ parivīta āgāc chuciḥ śukro aryo rorucānaḥ ||
- 4.001.08a sa dūto viśved abhi vaṣṭi sadmā hotā hiraṇyaratho ramsujihvaḥ |
 4.001.08c rohidaśvo vapuṣyo vibhāvā sadā raṇvaḥ pitumatīva sāmsat ||
- 4.001.09a sa cētayan manuṣo yajñabandhuḥ pra tam mahyā rāsanayā nayanti |
 4.001.09c sa kṣety asya duryāsu sādhan devo martasya sadhanitvam āpa ||
- 4.001.10a sa tū nō agnir nayatu prajānann acchā ratnam devabhaktam yad asya |
 4.001.10c dhiyā yad viśve amṛtā akrīvan dyaus pitā janitā satyam ukṣan ||
- 4.001.11a sa jāyata prathamah pastyāsu mahō budhne rajaso asya yonau |
 4.001.11b apād aśīrṣā guhamāno antāyoyuvāno vṛṣabhasya nīle ||
- 4.001.12a pra śardha āta prathamam vipanyam rtasya yonā vṛṣabhasya nīle |
 4.001.12c spārḥo yuvā vapuṣyo vibhāvā sapta priyāso janayanta vṛṣṇe ||
- 4.001.13a asmākam atra pitaro manuṣyā abhi pra sedur rtam āśuṣānāḥ |
 4.001.13c āsmavrajāḥ sudughā vavre antar ud usrā ājann uṣaso huvānāḥ ||
- 4.001.14a te marmṛjata dadrvāmsō adrim tad eṣām anye abhito vi vocan |
 4.001.14c paśvayantrāso abhi kāram arcan vidanta jyotiś cakṛpanta dhībhiḥ ||
- 4.001.15a te gavyatā manasā drdham ubdham gā yemānam pari śantam adrim |
 4.001.15c drlham naro vacasā daivyena vrajam gomantam usijo vi vavruḥ ||
- 4.001.16a te manvata prathamam nāmā dhenos triḥ sapta mātuh paramāni vandan |
 4.001.16c taj jānatir abhy anūṣata vrā āvir bhuvad aruṇir yaśasā goḥ ||
- 4.001.17a neṣat tamō dudhitam rocata dyaur ud devyā uṣaso bhānur āta |
 4.001.17c ā sūryo brhataṣ tiṣṭhad ajrām rju marteṣu vṛjinā ca paśyan ||
- 4.001.18a ād it paścā bubudhānā vy akhyann ād id ratnam dhārayanta dyubhaktam |
 4.001.18c viśve viśvāsu duryāsu devā mitra dhiye varuṇa satyam astu ||

- 4.001.19a acchā voceya śusucānam agniṁ hotāraṁ viśvabharasam yajīṣṭham |
4.001.19c śucy ūdho aṭṛṇan na gavām andho na pūtam pariṣiktam amśoḥ ||
4.001.20a viśveṣām aditir yajñiyānām viśveṣām atithir mānuṣāṇām |
4.001.20c agnir devānām avā āvrṇānaḥ sumrlīko bhavatu jātavedāḥ ||
- 4.002.01a yo martyeṣv amṛta ṛtāvā devo deveṣv aratir nidhāyī |
4.002.01c hotā yajīṣṭho mahṇā śucadhyaī havyair agnir manūṣa irayadhyaī ||
4.002.02a iha tvam sūno sahaso no adya jāto jātām ubhayām antar agne |
4.002.02c dūta iyase yuyujāna rṣva ṛjumuṣkān vṛṣaṇaḥ śukrāmś ca ||
4.002.03a atyā vṛdhasnū rohitā ghṛtasnū ṛtasyā manye manasā javiṣṭhā |
4.002.03c antar iyase aruṣā yujāno yuṣmāmś ca devān viśā ā ca martān ||
4.002.04a aryamaṇam varuṇam miṭram eṣām indrāviṣṇū maruto aśvinota |
4.002.04c svaśvo agne surathaḥ surādihā ed u vaha suhaviṣe janāya ||
4.002.05a gomām agne vimām aśvī yajño nṛvatsakhā sadam id apramṛṣyaḥ |
4.002.05c ilāvām eṣo āsura prajāvān dīrgho rayiḥ pṛthubudhnaḥ sabhāvān ||
4.002.06a yas tā idhmaṁ jabharat siṣvidāno mūrdhānam vā tatapate tvāyā |
4.002.06c bhuvāṣ tasya svatavāmḥ pāyur agne viśvasmāt sim aghāyata uruṣya ||
4.002.07a yas te bharād anniyate cid annam niśiṣan mandram atithim udīrat |
4.002.07c ā devayur inadhate durōṇe tasmin rayir dhruvo astu dāsvān ||
4.002.08a yas tvā doṣā ya uṣasi praśamsāt priyam vā tvā kṛnavate haviṣmān |
4.002.08c aśvo na sve dama ā hemyāvān tam amhasaḥ pīparo dāsvāmsam ||
4.002.09a yas tubhyam agne amṛtāya dāśad duvaṣ tve kṛnavate yatasruk |
4.002.09c na sa rāyā śāsamāno vi yoṣan nainam amhaḥ pari varad aghāyoḥ ||
4.002.10a yasya tvam agne adhvaram juṣo devo martasya sudhitam rarāṇaḥ |
4.002.10c pṛited aśad dhotrā sā yaviṣṭhāsāma yasya vidhato vṛdhāsaḥ ||
4.002.11a cittim acittim cinavad vi vidvān pṛṣṭheva vītā vṛjinā ca martān |
4.002.11c rāye ca naḥ svapatyāya deva ditim ca rāsvāditim uruṣya ||
4.002.12a kavim śāsāsuḥ kavayo dabdhā nidhārayanto duryāsv āyoḥ |
4.002.12c atas tvam drśyām agna etān paḍbhiḥ paśyer adbhutām aya evaiḥ ||
4.002.13a tvam agne vāghate supraṇītiḥ sutasomāya vidhate yaviṣṭha |
4.002.13c ratnam bhara śāsamānāya ghṛṣve pṛthu ścandram avase carṣaṇiprah ||
4.002.14a adhā ha yad vayam agne tvāyā paḍbhir hastebhiś cakṛmā tanūbhiḥ |
4.002.14c ratham na kranto apasā bhurijor ṛtam yemuḥ sudhya āśuṣāṇaḥ ||
4.002.15a adhā mātur uṣasaḥ sapta viprā jāyemahi prathamā vedhaso nṛn |
4.002.15c divas putrā aṅgirasō bhavemādrim rujema dhaninam śucantaḥ ||
4.002.16a adhā yathā naḥ pitarāḥ parāsaḥ pratnāso agna ṛtam āśuṣāṇaḥ |
4.002.16c śucid ayan dīdhitim ukthāśāsaḥ kṣāmā bhīndanto aruṇir apā vran ||
4.002.17a sukarmānaḥ suruco devayanto yo na devā janimā dhamantaḥ |
4.002.17c śucanto agniṁ vavṛdhanta indram ūrvaṁ gavyam pariśadanto agman ||
4.002.18a ā yūtheva kṣumati paśvo akhyad devānām yaj janimānty ugra |
4.002.18c martānām cid urvaśir akṛpran vṛdhe cid aya uparasyāyoḥ ||

- 4.002.19a akarma te svapaso abhūma ṛtam avasrann uśaso vibhātīḥ |
4.002.19c anūnam agnim purudhā suścandraṁ devasya marmṛjataś cāru cakṣuḥ ||
4.002.20a etā te agna ucathāni vedho 'vocāma kavaye tā juśasva |
4.002.20c uc chocasva kṛṇuhi vasyaso no maḥo rāyaḥ puruvāra pra yāndhi ||
- 4.003.01a ā vo rājānam adhvarasya rudraṁ hotāraṁ satyayajam rodasyoḥ |
4.003.01c agnim purā tanayitnor acittād dhiranyarūpam avase kṛnudhvam ||
4.003.02a ayam yoniś cakṛmā yam vayam te jāyeva patya uśati suvāsāḥ |
4.003.02c arvācīnaḥ parivīto ni śīdemā u te svapāka pratīcīḥ ||
4.003.03a āśṛṇvate adṛpitāya manma nṛcakṣase sumṛlīkāya vedhaḥ |
4.003.03c devāya śastim amṛtāya śamsa grāveva sotā madhuśud yam īle ||
4.003.04a tvam cin naḥ śamyā agne aśyā ṛtasya bodhy ṛtacit svādhiḥ |
4.003.04c kadā ta ukthā sadhamādyāni kadā bhavanti sakhyā gr̥he te ||
4.003.05a kathā ha tad varuṇāya tvam agne kathā dive garhase kan na āgaḥ |
4.003.05c kathā mitrāya mīlhuṣe pṛthivyai bravaḥ kad ayaṁne kad bhagāya ||
4.003.06a kad dhiṣṇyāsu vṛdhasāno agne kad vātāya pratāvase śubhamye |
4.003.06c pariṁmane nāsatyāya kṣe bravaḥ kad agne rudrāya nṛghne ||
4.003.07a kathā mahe puṣṭimbharāya puṣṇe kad rudrāya sumakhāya havirde |
4.003.07c kad viṣṇava urugāyāya reto bravaḥ kad agne śarave bṛhatyai ||
4.003.08a kathā śardhāya marutām ṛtāya kathā sūre bṛhate pṛcchamānaḥ |
4.003.08c prati bravo 'ditaye turāya sādha divo jātavedaś cikivān ||
4.003.09a ṛtena ṛtam niyatam īla ā gor āmā sacā madhumat pakvam agne |
4.003.09c kṛṣṇā satī ruśatā dhāsinaiśā jāmaryeṇa payasā pīpāya ||
4.003.10a ṛtena hi śmā vṛṣabhaś cid aktaḥ pumām agniḥ payasā pṛṣṭhyena |
4.003.10c aspandamāno acarad vayodhā vṛṣā śukraṁ duduhe pṛṣṇir ūdhaḥ ||
4.003.11a ṛtenādriṁ vy asan bhīdantaḥ sam āngiraso navanta gobhiḥ |
4.003.11c śunam naraḥ pari śadann uśāsam āviḥ svar abhavaj jāte agnau ||
4.003.12a ṛtena devīr amṛtā amṛktā arṇobhir āpo madhumadbhir agne |
4.003.12c vājī na sargeṣu prastubhānaḥ pra sadam it sravitave dadhanyuḥ ||
4.003.13a mā kasya yakṣam sadam id dhuro gā mā veśasya praminato māpeḥ |
4.003.13c mā bhrātur agne anṛjor ṛnam ver mā sakhyur dakṣam ripor bhujema ||
4.003.14a rakṣā no agne tava rakṣanebhī rārakṣānaḥ sumakha pṛiṇānaḥ |
4.003.14c prati śphura vi ruja vīdv amho jahi rakṣo mahi cid vāvṛdhānam ||
4.003.15a ebhir bhava sumanā agne arkair imān sprśa manmabhiḥ sūra vājan |
4.003.15c uta brahmāny āngiro juśasva sam te śastir devavātā jareta ||
4.003.16a etā viśvā viduṣe tubhyām vedho nīthāny agne niṇyā vacāmsi |
4.003.16c nivacanā kavaye kāvyāny aśamsiṣam matibhir vipra ukthaiḥ ||
- 4.004.01a kṛṇuṣva pājaḥ prasitīm na pṛthvīm yāhi rājevāmavām ibhena |
4.004.01c ṛṣvīm anu prasitīm drūṇāno 'stāsi vidhya rakṣasas tapīṣṭhaiḥ ||
4.004.02a tava bhramāsa āśuyā patanty anu sprśa dhṛṣatā śośucānaḥ |

4.004.02c tapūmsy agne juhvā patanṅān asandito vi sṛja viṣvag ulkāḥ ||
 4.004.03a prati spaśo vi sṛja tūrṇitamō bhavā pāyur viśo asyā adabdhaḥ |
 4.004.03c yo nō dūre aghasāmsō yo anty agne mākiṣ te vyathir ā dadharsīt ||
 4.004.04a ud agne tiṣṭha praty ā tanuṣva ny aḷmitrām oṣatāt tigmahete |
 4.004.04c yo nō arātim samidhāna cakre nīcā tam dhakṣy atasam na śuṣkam ||
 4.004.05a ūrdhvo bhava prati vidhyādhy āsmad āviṣ kṛnuṣva daivyāny agne |
 4.004.05c ava sthirā tanuhi yātujūnām jānim ajānim pra mṛñhi śatrūn ||
 4.004.06a sa te jānāti sumatim yaviṣṭha ya ivate brahmaṇe gātum airāt |
 4.004.06c viśvāny asmai sudināni rāyo dyumnāny aryo vi duro abhi dyaut ||
 4.004.07a sed agne astu subhagaḥ sudānur yas tvā nityena haṣiṣā ya ukthaiḥ |
 4.004.07c pipriṣati sva āyuṣi duroṇe viśved āsmāi sudinā sāsād iṣṭiḥ ||
 4.004.08a arcāmi te sumatim ghoṣy arvāk sam te vāvātā jaratām iyam gīḥ |
 4.004.08c svaśvās tvā surathā marjayemāsme kṣatrāṇi dhārayer anu dyūn ||
 4.004.09a iha tvā bhūry ā cared upa tman doṣāvastar dīdivāmsam anu dyūn |
 4.004.09c krīlantas tvā sumanasah sapemābhi dyumnā tasthivāmsō janānām ||
 4.004.10a yas tvā svaśvaḥ suhiraṇyo agna upayāti vasumatā rathena |
 4.004.10c tasya trātā bhavaṣi tasya sakhā yas tā ātithyam ānuṣag juṣat ||
 4.004.11a maḥo rūjāmi bandhutā vacobhis tan mā pitur gotamād anv iyāya |
 4.004.11c tvam nō asya vacasaś cikiddhi hotar yaviṣṭha sukraṭo damūnāḥ ||
 4.004.12a asvapnajas taranayaḥ susevā atandrāso vṛkā aśramiṣṭhāḥ |
 4.004.12c te pāyavaḥ sadhryaṅco niṣadyāgne tava naḥ pāntv amūra ||
 4.004.13a ye pāyavo māmāteyam te agne paśyanto andham dūrītād arakṣan |
 4.004.13c rarakṣa tān sukṛto viśvavedā dipsanta id ripavo nāha debhuḥ ||
 4.004.14a tvayā vayam sadhanyaḥ tvotās tava praṇity aśyāma vājān |
 4.004.14c ubhā śamsā sūdaya satyatāte nuṣṭhuyā kṛnuhy ahrayāṇa ||
 4.004.15a ayā te agne samidhā vidhema prati stomam śasyamānam grbhāya |
 4.004.15c dahāśaso rakṣasaḥ pāhy aḷsmān druho nido mitramaho avadyāt ||

4.005.01a vaiśvānarāya mīlhuṣe sajoṣāḥ kathā dāśemāgnaye brhad bhāḥ |
 4.005.01c anūnena brhatā vakṣathenopa stabhāyad upamin na rodhaḥ ||
 4.005.02a mā nīdata ya imām mahyam rātim devo dadau martyāya svadhāvān |
 4.005.02c pākāya grtso amṛto vicetā vaiśvānaro nṛtamo yahvo agniḥ ||
 4.005.03a sāmā dvibarhā mahi tigmabhṛṣṭiḥ sahasraretā vṛṣabhas tuviṣmān |
 4.005.03c paḍam na gor apagūlham vividvān agnir mahyam pred u vocan maṇiṣām ||
 4.005.04a pra tāṃ agnir babhasat tigmajambhas tapiṣṭhena śociṣā yaḥ surādhaḥ |
 4.005.04c pra ye minanti varuṇasya dhāmā priyā mitrasya cetato dhruvāni ||
 4.005.05a abhrātarō na yoṣaṇo vyantaḥ patiripo na janāyo durevāḥ |
 4.005.05c pāpāsaḥ santo anṛtā aśatyā idam paḍam ajanatā gabhīram ||
 4.005.06a idam me agne kiyate pāvakāminate gurum bhāram na manmā |
 4.005.06c brhad dadhātha dhṛṣatā gabhīram yahvam pṛṣṭham prayasā saptadhātu ||
 4.005.07a tam in nv eṣva samanā samānam abhi kratvā punati dhītir aśyāḥ |

4.005.07c sasasya carmann adhi cāru prśner agre rupa ārupitaṁ jabāru ||
 4.005.08a pravācyam vacasaḥ kim me asya guhā hitam upa niṅig vadanti |
 4.005.08c yad usriyānām apa vār iva vran pāti priyam ruṇo agram padaṁ veḥ ||
 4.005.09a idam u tyan mahi mahām anikaṁ yad usriyā sacata pūrvyam gauḥ |
 4.005.09c ṛtasya pade adhi dīdyānam guhā raghuṣyad raghuyad viveda ||
 4.005.10a adhā dyutānaḥ pitroḥ sacāsāmanuta guhyam cāru prśneḥ |
 4.005.10c mātuṣ pade parame anti ṣad gor vṛṣṇaḥ śociṣaḥ prayatasya jihvā ||
 4.005.11a ṛtaṁ voce namasā prcchya mānas tavāsasā jātavedo yad idam |
 4.005.11c tvam asya kṣayasi yad dha viśvam divi yad u draviṇam yat prthivyām ||
 4.005.12a kiṁ nō asya draviṇam kad dha ratnam vi nō voco jātavedaś cikītvān |
 4.005.12c guhādhvānaḥ paramam yan nō asya reku padaṁ na nidānā aganma ||
 4.005.13a kā maryādā vayunā kad dha vāmam acchā gamema raghavo na vājam |
 4.005.13c kadā nō devīr amṛtasya patnīḥ sūro varṇena tatanann uṣasaḥ ||
 4.005.14a anireṇa vacasā phalgvena pratityena krdhunātrpāsaḥ |
 4.005.14c adhā te agne kim ihā vadanty anāyudhāsa āsatā sacantām ||
 4.005.15a asya śriye samidhānasya vṛṣṇo vasor anikaṁ dama ā rūroca |
 4.005.15c ruśad vasānaḥ sudṛśīkarūpaḥ kṣītir na rāyā puruvāro adyaut ||

4.006.01a ūrdhva ū ṣu nō adhvarasya hotar agne tiṣṭhā devatātā jajiyān |
 4.006.01c tvam hi viśvam abhy asi manma pra vedhasaś cit tirasi maṇiṣām ||
 4.006.02a amūro hotā ny asādi vikṣv aḥgnir mandro vidatheṣu pracetāḥ |
 4.006.02c ūrdhvam bhānum savitevāśren meteva dhūmam stabhāyad upa dyām ||
 4.006.03a yatā sujūrñi rātinī ghṛtāci pradakṣiṇid devatātīm urānaḥ |
 4.006.03c ud u svarur navajā nākrah paśvo anakti sudhitaḥ sumekah ||
 4.006.04a stīrṇe barhiṣi samidhāne agnā ūrdhvo adhvaryur jujuṣāno asthāt |
 4.006.04c pary agniḥ paśupā na hotā triviṣṭy eti pradivā urānaḥ ||
 4.006.05a pari tmanā mitadrur eti hotāgnir mandro madhuvacā ṛtāvā |
 4.006.05c dravānty asya vājino na śokā bhayante viśvā bhuvanā yad abhrāt ||
 4.006.06a bhadrā te agne svanīka sandrg ghorasya satō viṣuṇasya cāruḥ |
 4.006.06c na yat te śocis tamasā varanta na dhvaśmānas tanvīṣ repa ā dhuḥ ||
 4.006.07a na yasya sātūr janitor avāri na mātarāpitarā nū cid iṣṭau |
 4.006.07c adhā mitro na sudhitaḥ pāvakoṣ gnir didāya mānuṣiṣu vikṣu ||
 4.006.08a dvir yam pañca jjanan samvasānāḥ svasāro agnim mānuṣiṣu vikṣu |
 4.006.08c uṣarbudham atharyoṣ na dantaṁ śukraṁ svāsam paraśum na tigmam ||
 4.006.09a tava tye agne harito ghṛtasnā rohitāsa rjvañcaḥ svañcaḥ |
 4.006.09c aruṣāso vṛṣāna rjumuṣkā ā devatātīm ahvanta dasmāḥ ||
 4.006.10a ye ha tye te sahamānā ayāsaḥ tveṣāso agne arcayaś caranti |
 4.006.10c śyenāso na duvasanāso artham tuviṣvaṇaso mārutaṁ na śardhaḥ ||
 4.006.11a akāri brahma samidhāna tubhyam śamsāty uktham yajate vy ū dhāḥ |
 4.006.11c hotāram agnim manuṣo ni ṣedur namasyanta uṣijaḥ śamsam āyoh ||

4.007.01a ayam iha prathamo dhāyī dhātṛbhir hotā yajīṣṭho adhvaṛeṣv idyaḥ |
 4.007.01c yam apnavāno bhr̥gavo virurucur vanēṣu citram vibhvam viṣe-viṣe ||
 4.007.02a agnē kadā tā ānuṣag bhuvād devasya cetanam |
 4.007.02c adhā hi tvā jagrbhrire martāso vikṣv idyam ||
 4.007.03a ṛtāvānam vicetasam paśyanto dyām iva str̥bhiḥ |
 4.007.03c viśveṣām adhvarāṇām haskartāram dame-dame ||
 4.007.04a āśum dūtām vivasvato viśvā yaś carṣaṇīr abhi |
 4.007.04c ā jabhruḥ ketum āyavo bhr̥gavānam viṣe-viṣe ||
 4.007.05a tam im hotāram ānuṣak cikītvāmsam ni sedire |
 4.007.05c raṇvam pāvakaśociṣam yajīṣṭham sapta dhāmabhiḥ ||
 4.007.06a tam śasvatīṣu mātr̥ṣu vana ā vītam asritam |
 4.007.06c citram santam guhā hitam suvedam kūcidarthinam ||
 4.007.07a sasasya yad viyutā sasmīn udhann ṛtasya dhāman raṇayanta devāḥ |
 4.007.07c mahām agnir namasā rātahavyo ver adhvarāya sadam id ṛtāvā ||
 4.007.08a ver adhvarasya dūtyāni vidvān ubhe antā rodasī sañcikitvān |
 4.007.08c dūta iyase pradivā urāṇo viduṣṭaro diva ārodhanāni ||
 4.007.09a kṛṣṇam ta ema ruṣataḥ puro bhāś carīṣṇv aīrcir vapuṣām id ekam |
 4.007.09c yad apravitā dadhate ha garbham sadyaś cij jāto bhavasīd u dūtaḥ ||
 4.007.10a sadyo jātasya dadṛśānam ojo yad asya vāto anuvāti śociḥ |
 4.007.10c vṛṇakti tigmām atāseṣu jihvām sthīrā cid annā dayate vi jambhaiḥ ||
 4.007.11a tr̥ṣu yad annā tr̥ṣuṇā vavakṣa tr̥ṣum dūtām kṛṇute yahvo agniḥ |
 4.007.11c vātasya melīm sacate nijūrvann āśum na vājayate hinve arvā ||

4.008.01a dūtām vo viśvavedasam havyavāham amartyam |
 4.008.01c yajīṣṭham r̥njase girā ||
 4.008.02a sa hi vedā vasudhitim mahām ārodhanam divaḥ |
 4.008.02c sa devām eha vakṣati ||
 4.008.03a sa veda deva ānamam devām ṛtāyate dame |
 4.008.03c dāti priyāni cid vasu ||
 4.008.04a sa hotā sed u dūtyam cikītvām antar iyate |
 4.008.04c vidvām ārodhanam divaḥ ||
 4.008.05a te syāma ye agnaye dadāsur havyadātibhiḥ |
 4.008.05c ya im puṣyanta indhate ||
 4.008.06a te rāyā te suvīryaiḥ sasavāmsō vi śṛṇvire |
 4.008.06c ye agnā dadhire duvaḥ ||
 4.008.07a asme rāyo dive-dive sam carantu puruṣpr̥hāḥ |
 4.008.07c asme vājāsa iratām ||
 4.008.08a sa viprāś carṣaṇinām śavasā mānuṣānam |
 4.008.08c ati kṣiprevā vidhyati ||

4.009.01a agnē mṛla mahām asi ya im ā devayum janam |

4.009.01c iyetha¹ barhir¹ āsadam¹ ||
 4.009.02a sa mānuṣīṣu¹ dūlabho¹ vikṣu¹ prāvīr¹ amartyaḥ¹ |
 4.009.02c dūto¹ viśveṣām¹ bhuvat¹ ||
 4.009.03a sa sadma¹ pari¹ nīyate¹ hotā¹ mandro¹ diviṣṭiṣu¹ |
 4.009.03c uta¹ potā¹ ni¹ śidati¹ ||
 4.009.04a uta¹ gnā¹ agnir¹ adhvara¹ uto¹ gr̥hapatir¹ dame¹ |
 4.009.04c uta¹ brahmā¹ ni¹ śidati¹ ||
 4.009.05a veṣi¹ hy¹ adhvarīyatām¹ upavaktā¹ janānām¹ |
 4.009.05b havya¹ ca¹ mānuṣānām¹ ||
 4.009.06a veṣid¹ v¹ asya¹ dūtya¹lm¹ yasya¹ jujoṣo¹ adhvaram¹ |
 4.009.06b havyam¹ martasya¹ volhave¹ ||
 4.009.07a asmākam¹ joṣy¹ adhvaram¹ asmākam¹ yajñam¹ aṅgiraḥ¹ |
 4.009.07c asmākam¹ śṛṇudhī¹ havam¹ ||
 4.009.08a pari¹ te dūlabho¹ ratho¹ 'smāñ¹ aśnotu¹ viśvataḥ¹ |
 4.009.08c yena¹ rakṣasi¹ dāśuṣaḥ¹ ||

4.010.01a agne¹ tam¹ adyāśvam¹ na¹ stomaiḥ¹ kratum¹ na¹ bhādrām¹ hr̥dispr̥śam¹ |
 4.010.01c rdhyāmā¹ ta¹ ohaiḥ¹ ||
 4.010.02a adhā¹ hy¹ agne¹ kratōr¹ bhādrasya¹ dakṣasya¹ sādhoḥ¹ |
 4.010.02c rathīr¹ ṛtasya¹ br̥hato¹ babhūtha¹ ||
 4.010.03a ebhir¹ no¹ arkair¹ bhavā¹ no¹ arvāñ¹ sva¹lr¹ na¹ jyotiḥ¹ |
 4.010.03c agne¹ viśvebhiḥ¹ sumanā¹ anīkaiḥ¹ ||
 4.010.04a ābhiṣ¹ te¹ adya¹ gīrbhir¹ gr̥ṇanto¹ 'gne¹ dāśema¹ |
 4.010.04c pra¹ te¹ divo¹ na¹ stānayanānti¹ śuṣmāḥ¹ ||
 4.010.05a tava¹ svādiṣṭhāgne¹ sandr̥ṣṭir¹ idā¹ cid¹ ahnā¹ idā¹ cid¹ aktoḥ¹ |
 4.010.05c śriye¹ rukmo¹ na¹ rocata¹ upāke¹ ||
 4.010.06a ghṛtam¹ na¹ pūtam¹ tanūr¹ arepāḥ¹ śuci¹ hiraṇyam¹ |
 4.010.06c tat¹ te¹ rukmo¹ na¹ rocata¹ svadhāvaḥ¹ ||
 4.010.07a kṛtam¹ cid¹ dhi¹ śmā¹ sanēmi¹ dveṣo¹ gna¹ inoṣi¹ martāt¹ |
 4.010.07c itthā¹ yajamānād¹ ṛtāvaḥ¹ ||
 4.010.08a śivā¹ naḥ¹ śakhyā¹ santu¹ bhr̥tr̥āgne¹ deveṣu¹ yuṣme¹ |
 4.010.08c sā¹ no¹ nābhiḥ¹ sadane¹ sasmīn¹ ūdhan¹ ||

4.011.01a bhādrām¹ te¹ agne¹ sahasinn¹ anīkam¹ upāka¹ ā¹ rocate¹ sūryasya¹ |
 4.011.01c ruśād¹ dṛṣe¹ dadṛṣe¹ naktayā¹ cid¹ arūkṣitam¹ dṛṣā¹ ā¹ rūpe¹ annam¹ ||
 4.011.02a vi¹ śāhy¹ agne¹ gr̥ṇate¹ māniṣām¹ kham¹ vepāsā¹ tuvijāta¹ stavānaḥ¹ |
 4.011.02c viśvebhīr¹ yad¹ vāvanaḥ¹ śukra¹ devais¹ tan¹ nō¹ rāsva¹ sumaho¹ bhūrī¹ manmā¹ ||
 4.011.03a tvad¹ agne¹ kāvyā¹ tvan¹ māniṣās¹ tvad¹ ukthā¹ jāyante¹ rādhyāni¹ |
 4.011.03c tvad¹ eti¹ draviṇam¹ vīrapesā¹ itthādhiye¹ dāśuṣe¹ martyāya¹ ||
 4.011.04a tvad¹ vājī¹ vājambhāro¹ vihāyā¹ abhiṣṭikṛj¹ jāyate¹ satyaśuṣmaḥ¹ |
 4.011.04c tvad¹ rayir¹ devajūto¹ mayobhus¹ tvad¹ āsur¹ jūjūvām¹ agne¹ arvā¹ ||

4.011.05a tvām agne prathamam devayanto devam martā amṛta mandrajihvam |
4.011.05c dveṣoyutam ā vivāsanti dhībhir damūnasam grhapatim amūram ||
4.011.06a āre asmad amatim āre amhā āre viśvām durmatim yan nīpāsi |
4.011.06c doṣā śivaḥ sahasaḥ sūno agne yaṁ deva ā cit sacāse svasti ||

4.012.01a yas tvām agna inadhate yatasruk tris te annam kṛnavat sasminn ahan |
4.012.01c sa su dyumnair abhy astu prasakṣat tava kratvā jātavedaś cikītvān ||
4.012.02a idhmaṁ yas te jabharac chaśramāno maḥo agne anīkam ā saparyan |
4.012.02c sa idhānaḥ prati doṣām uṣāsam puṣyaṁ rayim śacate ghnann amitrān ||
4.012.03a agnir iṣe brhataḥ kṣatriyasyāgnir vājasya paramasya rāyaḥ |
4.012.03c dadhāti ratnam vidhate yaviṣṭho vy ānuṣaṁ martyāya svadhāvān ||
4.012.04a yac cid dhi te puruṣatrā yaviṣṭhācittibhiś cakrmā kac cid āgaḥ |
4.012.04c kṛdhī ṣv aīsmām aditer anāgān vy enāmsi śīsratho viṣvaḥ agne ||
4.012.05a maḥaś cid agna enaso abhika ūrvād devānām uta martyānām |
4.012.05c mā te sakhāyaḥ sadam id riṣāma yacchā tokāya tanayāya śam yoh ||
4.012.06a yathā ha tyad vasavo gauryaṁ cit padi ṣītām amuñcatā yajatrāḥ |
4.012.06c evo ṣv aīsman muñcatā vy amhaḥ pra tāry agne prataram na āyuh ||

4.013.01a praty agnir uṣasām agram akhyad vibhātīnām sumanā ratnadheyam |
4.013.01c yātam aśvinā sukṛto duroṇam ut sūryo jyotiṣā deva eti ||
4.013.02a ūrdhvam bhānuṁ savitā devo aśred drapsam davidhvat gaviṣo na satvā |
4.013.02c anu vrataṁ varuṇo yanti mitro yat sūryam divy ārohayanti ||
4.013.03a yaṁ sīm akrṇvan tamāse vipṛce dhruvakṣemā anavasyanto artham |
4.013.03c tam sūryam haritaḥ sapta yāvī spaśam viśvasya jagato vahanti ||
4.013.04a vahiṣṭhebhīr viharan yāsi tantum avavyayann asitam deva vasmā |
4.013.04c davidhvatō raśmayāḥ sūryasya carnevāvādhus tamō apsv aīntaḥ ||
4.013.05a anāyato anibaddhaḥ kathāyam nyanṁ uttāno 'va padyate na |
4.013.05c kayā yāti svadhayā ko dadarśa diva skambhaḥ samṛtaḥ pāti nākam ||

4.014.01a praty agnir uṣaso jātavedā akhyad devo rocāmānā mahōbhiḥ |
4.014.01c ā nāsatorugāyā rathenemaṁ yajñam upa no yātam acchā ||
4.014.02a ūrdhvam ketum savitā devo aśrej jyotiṣ viśvasmai bhuvanāya kṛnvan |
4.014.02c āprā dyāvāpṛthivī antarīkṣam vi sūryo raśmibhiś cekitānaḥ ||
4.014.03a āvahanty aruṇīr jyotiṣāgān mahī citrā raśmibhiś cekitānā |
4.014.03c prabodhayanti suvitāya devy uīṣā iyate suyujā rathena ||
4.014.04a ā vām vahiṣṭhā iha te vahantu rathā aśvāsa uṣaso vyuṣṭau |
4.014.04c ime hi vām madhupeyāya somā asmin yajñe vṛṣaṇā mādayethām ||
4.014.05a anāyato anibaddhaḥ kathāyam nyanṁ uttāno 'va padyate na |
4.014.05c kayā yāti svadhayā ko dadarśa diva skambhaḥ samṛtaḥ pāti nākam ||

4.015.01a agnir hotā no adhvare vāji san pari nīyate |

- 4.015.01c de_vo de_veṣu yajñi_{yaḥ} ||
 4.015.02a pari triviṣṭy adh_varam yāty agnī rathīr iva |
 4.015.02c ā de_veṣu prayo dadhat ||
 4.015.03a pari vājapatiḥ kavir agnir havyāny akramīt |
 4.015.03c dadhad ratnāni dāśuṣe ||
 4.015.04a ayam yah sṛñjaye puro daivavāte samidhyate |
 4.015.04c dyumāṁ amitradambhanaḥ ||
 4.015.05a asya ghā vira ivato gner īśita martyaḥ |
 4.015.05c tigmajambhasya mīlhuṣaḥ ||
 4.015.06a tam arvan_{taṁ} na sānasim aruṣaṁ na divaḥ śiśum |
 4.015.06c marmṛjyante dive-dive ||
 4.015.07a bodhad yan mā haribhyāṁ kumāraḥ sāhadevyah |
 4.015.07c acchā na hūta ud aram ||
 4.015.08a uta tyā yajatā hari kumārāt sāhadevyāt |
 4.015.08c prayatā sadya ā dade ||
 4.015.09a eṣa vām devāv aśvinā kumāraḥ sāhadevyah |
 4.015.09c dīrghāyūr astu somakaḥ ||
 4.015.10a tam yu_vaṁ devāv aśvinā kumāraṁ sāhadevyam |
 4.015.10c dīrghāyuṣaṁ kṛnotana ||

- 4.016.01a ā satyo yātu maghavāṁ ṛjīṣi dravantv asya haraya upa naḥ |
 4.016.01c tasmā id andhaḥ suṣumā sudakṣaṁ ihābhīpitvaṁ karate grṇānaḥ ||
 4.016.02a avā sya sūrādhvano nānte smin no adya savane mandadhyaī |
 4.016.02c śamsāty uktham uśaneva vedhās cikituṣe asuryāya manmā ||
 4.016.03a kavir na niṇyam vidathāni sādhan vṛṣā yat sekaṁ vipipāno arcāt |
 4.016.03c diva itthā jījanat sapta kārūn ahnā cic cakrur vayunā grṇantaḥ ||
 4.016.04a svaīr yad vedi sudṛśīkam arkair mahi jyotī rurucur yad dha vastoh |
 4.016.04c andhā tamāmsi dudhitā vicakṣe nṛbhyaś cakāra nṛtamo abhiṣṭau ||
 4.016.05a vavakṣa indro amitam rjīṣy ubhe ā paprau rodāsī mahitvā |
 4.016.05c ataś cid asya mahimā vi recy abhi yo viśvā bhuvanā babhūva ||
 4.016.06a viśvāni śakro naryāni vidvān apo rireca sakhibhir nikāmaiḥ |
 4.016.06c aśmānaṁ cid ye bibhidur vacobhir vrajaṁ gomantam uśijo vi vavruḥ ||
 4.016.07a apo vṛtraṁ vavrivāmsam parāhan prāvat te vajram pṛthivī sacetaḥ |
 4.016.07c prārṇāmsi samudriyaṇy ainoḥ patir bhavañ chavasā sūra dhrṣno ||
 4.016.08a apo yad adrim puruhūta dardar āvir bhuvat saramā pūrvyam te |
 4.016.08c sa no netā vājam ā darṣi bhūriṁ gotrā rujann aṅgirobhir grṇānaḥ ||
 4.016.09a acchā kavir nṛmaṇo gā abhiṣṭau svarṣātā maghavaṇ nādhamānam |
 4.016.09c ūtibhis tam iṣaṇo dyumnahūtau ni māyāvān abrahmā dasyur arta ||
 4.016.10a ā dasyughnā manasā yāhy astam bhuvat te kutsaḥ sakhye nikāmaḥ |
 4.016.10c sve yonau ni śadataṁ sarūpā vi vām cikitsad ṛtacid dha nārī ||
 4.016.11a yāsi kutsena saratham avasyus todo vātasya haryor īśanaḥ |

4.016.11c rjṛā vājam na gadhyaṃ yuyūṣan kavir yad ahan pāryāya bhūṣāt ||
 4.016.12a kutsāya śuṣṇam aśuṣam ni barhiḥ prapitve ahnaḥ kuyavaṃ sahasrā |
 4.016.12c sadyo dasyūn pra mṛṇa kutsyena pra sūraś cakram vṛhatād abhikē ||
 4.016.13a tvam piprum mṛgayam śūsuvāmsam rjīsvāne vaidathināya randhiḥ |
 4.016.13c pañcāśat kṛṣṇā ni vapah sahasrātkaṃ na puro jarimā vi dardaḥ ||
 4.016.14a sūra upāke tanvalīm dadhāno vi yat te cety amṛtasya varpaḥ |
 4.016.14c mṛgo na hasti taviṣim uṣāṇaḥ simho na bhīma āyudhāni bibhrat ||
 4.016.15a indram kāmā vasūyanto agman svarmīlhe na savane cakānāḥ |
 4.016.15c śravasyavaḥ śaśamānāsa ukthair oko na raṇvā sudṛśiva puṣṭiḥ ||
 4.016.16a tam id va indram suhavam huvema yas tā cakāra naryā purūni |
 4.016.16c yo māvate jaritre gadhyaṃ cin makṣū vājam bharati spārharādhāḥ ||
 4.016.17a tigmā yad antar aśaniḥ patāti kasmīñ cic chūra muhuke janānām |
 4.016.17c ghorā yad aṛya samṛtir bhavāty adha smā nas tanvo bodhi gopāḥ ||
 4.016.18a bhuvo vitā vāmadevasya dhīnām bhuvah sakhāvṛko vājasātau |
 4.016.18c tvām anu pramatim ā jaganmoruśamsō jaritre viśvadha syāḥ ||
 4.016.19a ebhir nṛbhir indra tvāyubhiḥ tvā maghavadbhir maghavan viśvā ājau |
 4.016.19c dyāvo na dyumnair abhi santō aṛyaḥ kṣapo madema śaradaś ca pūrvih ||
 4.016.20a eved indrāya vṛṣabhāya vṛṣṇe brahmākarma bhṛgavo na ratham |
 4.016.20c nū cid yathā naḥ sakhyā viyośad asan na ugro vitā tanūpāḥ ||
 4.016.21a nū ṣṭuta indra nū grṇāna iṣam jaritre nadyoṣ na pipeḥ |
 4.016.21c akāri te harivo brahma navyam dhiyā syāma rathyah sadāsāḥ ||

4.017.01a tvam mahām indra tubhyaṃ ha kṣā anu kṣatram maṇhanā manyata dyauḥ |
 4.017.01c tvam vṛtram śavasā jaghanvān sṛjaḥ sindhūmr ahinā jagrasānān ||
 4.017.02a tava tviṣo janiman rejata dyau rejad bhūmir bhīyasā svasya manyoḥ |
 4.017.02c rghāyanta subhvalḥ parvatāsa ārdan dhanvāni sarayanta āpaḥ ||
 4.017.03a bhīnad girim śavasā vajram iṣṇann āviṣkṛvānaḥ sahasāna ojaḥ |
 4.017.03c vadhīd vṛtram vajreṇa mandasānaḥ sarann āpo jvasā hatavṛṣṇiḥ ||
 4.017.04a suvīras te janitā manyata dyaur indrasya kartā svapāstamo bhūt |
 4.017.04c ya im jajāna svaryam suvajram anāpacyutam sadāso na bhūma ||
 4.017.05a ya eka ic cyāvayati pra bhūmā rājā kṛṣṭinām pūruhūta indrah |
 4.017.05c satyam enam anu viśve madanti rātim devasya grṇato maghonah ||
 4.017.06a satrā somā abhavann asya viśve satrā madāso bṛhato madiṣṭhāḥ |
 4.017.06c satrābhavo vasupatir vasūnām datre viśvā adhithā indra kṛṣṭiḥ ||
 4.017.07a tvam adha prathamam jāyamāno me viśvā adhithā indra kṛṣṭiḥ |
 4.017.07c tvam prati pravata āśayānam ahim vajreṇa maghavan vi vṛścaḥ ||
 4.017.08a satrāhaṇam dādhrīṣim tumram indram mahām apāram vṛṣabham suvajram |
 4.017.08c hantā yo vṛtram sanitota vājam datā maghāni maghavā surādhāḥ ||
 4.017.09a ayam vṛtāś cātayate samīcīr ya ājisu maghavā śṛṇva ekaḥ |
 4.017.09c ayam vājam bharati yam sanoty asya priyāsaḥ sakhye syāma ||
 4.017.10a ayam śṛṇve adha jayann uta ghnann ayam uta pra kṛnute yudhā gāḥ |

4.017.10c yadā satyaṁ kṛṇute manyum indro viśvaṁ dṛlham bhayata ejaḍ asmāt ||
 4.017.11a sam indro gā ajayat saṁ hiranyā sam aśviyā maḡhavā yo ha pūrvih |
 4.017.11c ebhir nr̥bhīr nr̥tāmo asya sākai rāyo vibhaktā sambharaś ca vasvaḥ ||
 4.017.12a kiyat svid indro adhy eti mātuḥ kiyat pitur janitur yo jajāna |
 4.017.12c yo asya śuśmam muhukair iyarti vāto na jūta stanayadbhir abhraiḥ ||
 4.017.13a kṣiyantāṁ tvam akṣiyantāṁ kṛṇotiyarti reṇum maḡhavā samoham |
 4.017.13c vibhañjanur aśanimāṁ iva dyaur uta stotāram maḡhavā vasau dhāt ||
 4.017.14a ayam cakram iṣaṇat sūryasya ny etaśam rīramat sasrmānam |
 4.017.14b ā kṛṣṇa im̄ juhurāṇo jigharti tvaco budhne rajaso asya yonau ||
 4.017.15a asiknyām yajamāno na hotā ||
 4.017.16a gavyanta indraṁ sakhyāya viprā aśvāyanto vṛṣaṇam vājayantaḥ |
 4.017.16c janīyānto janidām akṣitotim ā cyāvayāmo vate na kośam ||
 4.017.17a trātā no bodhi dadṛśāna āpir abhikhyātā marḍitā somyānām |
 4.017.17c sakhā pitā pitṛtamaḥ pitṛṇām kartem u lokam uśate vayodhāḥ ||
 4.017.18a sakhīyatām avitā bodhi sakhā gr̥ṇāna indra stuvate vayo dhāḥ |
 4.017.18c vayam hy ā te cakrmā sabādha ābhiḥ samibhir mahayanta indra ||
 4.017.19a stuta indro maḡhavā yad dhā vṛtrā bhūriny ekō apratīni hanti |
 4.017.19c asya priyo jaritā yasya śarman nakir devā vārayante na martāḥ ||
 4.017.20a evā na indro maḡhavā virapśi karat satyā carṣaṇīdhṛd anarvā |
 4.017.20c tvam rājā januśam dhehy asme adhi śravo māhinam yaj jaritre ||
 4.017.21a nū ṣtuta indra nū gr̥ṇāna iṣam jaritre nadyoḥ na pīpeḥ |
 4.017.21c akāri te harivo brahma navyam dhiyā syāma rathyaḥ sadāsāḥ ||

4.018.01a ayam panthā anuvittaḥ purāno yato devā udajāyanta viśve |
 4.018.01c ataś cid ā janiṣiṣṭa pravṛddho mā mātarām amuyā pattave kaḥ ||
 4.018.02a nāham ato nir ayā durgahaitat tiraścatā pārśvān nir gamāni |
 4.018.02c bahūni me akṛtā kartvāni yudhyaī tvena sam tvena pṛcchai ||
 4.018.03a parāyatim mātarām anv acaṣṭa na nānu gāny anu nū gamāni |
 4.018.03c tvaṣṭur gr̥he apibat somam indraḥ śatadhanyam camvoḥ sutasya ||
 4.018.04a kim sa rdhak kṛṇavad yaṁ sahasram māso jabhāra śaradaś ca pūrvih |
 4.018.04c nahī nv asya pratimānam asty antar jāteṣūta ye janitvāḥ ||
 4.018.05a avadyam iva manyamānā guhākar indram mātā vīryeṇā nyṛṣṭam |
 4.018.05c athod asthāt svayam atkam vasāna ā rodasi aprṇāj jāyamānaḥ ||
 4.018.06a etā arṣanty alalābhavantir ṛtāvarir iva saṅkrośamānāḥ |
 4.018.06c etā vi pṛccha kim idam bhananti kam āpo adrim paridhim rujanti ||
 4.018.07a kim u svid asmai nividō bhanantendrasyāvadyam didhiṣanta āpaḥ |
 4.018.07c mamaitān putro mahatā vadhenā vṛtram jaghanvām aśṛjad vi sindhūn ||
 4.018.08a mamac čana tvā yuvatih parāsa mamac čana tvā kuṣavā jagāra |
 4.018.08c mamac cid āpaḥ śiśave mamṛdyur mamac cid indraḥ sahasod atiṣṭhat ||
 4.018.09a mamac čana te maḡhavan vyamso nivividhvām apa hanū jaghāna |
 4.018.09c adhā nividdha uttaro babhūvāñ chiro dāsasya sam piṇag vadhenā ||

4.018.10a gr̥ṣṭiḥ sasūva sthaviraṃ tavāgāṃ anādhr̥ṣyaṃ vṛṣabhaṃ tumraṃ indraṃ |
 4.018.10c arīlhaṃ vatsaṃ carathāya mātā svayaṃ gātum tanva icchamānam ||
 4.018.11a uta mātā mahiṣam anv avenad amī tvā jahati putra devāḥ |
 4.018.11c athābravid vṛtram indro haniṣyan sakhe viṣṇo vitaraṃ vi krāmasva ||
 4.018.12a kas te mātaraṃ vidhavāṃ acakrac chayum kas tvāṃ ajighāmsac carantam |
 4.018.12c kas te devo adhi mārḍika āsīd yat prakṣiṇāḥ pītaraṃ pādagr̥hya ||
 4.018.13a avartyā śuna āntrāṇi pece na deveṣu vivide marḍitāram |
 4.018.13c apaśyaṃ jāyāṃ amahīyamānām adhā me śyeno madhv ā jābhāra ||

4.019.01a evā tvāṃ indra vajrinn atra viśve devāsaḥ suhavāsa ūmāḥ |
 4.019.01c mahām ubhe rodasī vṛddham ṛṣvaṃ nir ekam id vṛnate vṛtrahatyē ||
 4.019.02a avāsr̥janta jivrayo na devā bhuvah samrāl indra satyayoniḥ |
 4.019.02c ahann ahim pariśayānam arṇaḥ pra vartanir arado viśvadhenāḥ ||
 4.019.03a atr̥p̥nuvantam viyatam abudhyam abudhyamānam susupānam indra |
 4.019.03c sapta prati pravata āśayānam ahim vajreṇa vi riṇā aparvan ||
 4.019.04a akṣodayac chavasā kṣāmā budhnam vār na vātas taviṣibhir indraḥ |
 4.019.04c dr̥lhāny aubhnād uśamāna ojo 'vābhinat kakubhaḥ parvatānām ||
 4.019.05a abhi pra dadrur janayo na garbham rathā iva pra yayuh sākam adrayaḥ |
 4.019.05c atarpayo viṣṭa ubja ūrmīn tvam vṛtām ariṇā indra sindhūn ||
 4.019.06a tvam mahim avanim viśvadhenām turvītaye vayyāya kṣarantim |
 4.019.06c aramayo namasaijad arṇaḥ sutaraṇām akṛnor indra sindhūn ||
 4.019.07a prāgruvo nabhanvo3 na vakvā dhvasrā apinvad yuvatir rtajñāḥ |
 4.019.07c dhanvāny ajrām aprṇak tṛṣṇānām adhog indra staryo3 dāmsupatniḥ ||
 4.019.08a pūrvir uśasaḥ śaradaś ca gūrtā vṛtram jaghanvām asr̥jad vi sindhūn |
 4.019.08c pariṣṭhitā atr̥nad badbadhānāḥ sirā indraḥ sravitave pṛthivyā ||
 4.019.09a vamribhiḥ putram agruvo adānam niveśanād dhariva ā jābhartha |
 4.019.09c vy a1ndho akhyad ahim ādadāno nir bhūd ukhacchit sam aranta parva ||
 4.019.10a pra te pūrvāni karaṇāni viprāvidvām āha viduṣe karāmsi |
 4.019.10c yathā-yathā vṛṣnyāni svagūrtāpāmsi rājan naryāviveṣiḥ ||
 4.019.11a nū ṣṭuta indra nū gr̥ṇāna iṣam jaritre nadyo3 na pipeḥ |
 4.019.11c akāri te harivo brahma navyam dhiyā syāma rathyaḥ sadāsāḥ ||

4.020.01a ā na indro dūrād ā na āsād abhiṣṭikṛd avase yasad ugrah |
 4.020.01c ojiṣṭhebhīr nr̥patir vajrabāhuḥ saṅge samatsu turvaṇiḥ pṛtanyūn ||
 4.020.02a ā na indro haribhir yātv acchārvācīno 'vase rādhasē ca |
 4.020.02c tiṣṭhāti vajri maghavā virapśīmaṃ yajñam anu no vājasātau ||
 4.020.03a imam yajñam tvam asmākam indra puro dadhat saniṣyasi kratum naḥ |
 4.020.03c śvaghnīva vajrin sanaye dhanānām tvayā vayam aṛya ājim jāyema ||
 4.020.04a uśann u ṣu naḥ sumanā upāke somasya nu suśutasya svadhāvaḥ |
 4.020.04c pā indra pratibhṛtasya madhvaḥ sam andhasā mamadaḥ pṛṣṭhyena ||
 4.020.05a vi yo rarapśa ṛṣibhir navebhīr vṛkṣo na pakvaḥ sṛṇyo na jetā |

4.020.05c maryo na yoṣām abhi manyamāno 'cchā vivakmi puruhūtam indram ||
 4.020.06a girir na yaḥ svatavāṃ ṛṣva indraḥ sanād eva sahase jāta ugraḥ |
 4.020.06c ādārtā vajraṃ sthaviraṃ na bhīma udneva kośaṃ vasunā nyṛṣtam ||
 4.020.07a na yasya vartā januṣā nv asti na rādhasa āmaritā maghasya |
 4.020.07c udvāvṛṣānas taviṣiva ugrāsmabhyaṃ daddhi puruhūta rāyaḥ ||
 4.020.08a ikṣe rāyaḥ kṣayasya carṣanīnām uta vrajam apavartāsi gonām |
 4.020.08c śikṣānaraḥ samitheṣu prahāvān vasvo rāsim abhinetāsi bhūrim ||
 4.020.09a kayā tac chr̥ṇve śacyā śaciṣṭho yayā kṛnoti muhu kā cid ṛṣvaḥ |
 4.020.09c puru dāśuṣe vicayiṣṭho amho 'thā dadhāti draviṇaṃ jaritre ||
 4.020.10a mā no mardhīr ā bharā daddhi tan naḥ pra dāśuṣe dātave bhūri yat te |
 4.020.10c navye deṣṇe śaste asmin tā ukthe pra brāvāma vāyam indra stuvantaḥ ||
 4.020.11a nū ṣṭuta indra nū gr̥ṇāna iṣaṃ jaritre nadyoṣ na pīpeḥ |
 4.020.11c akāri te harivo brahma navyaṃ dhiyā syāma rathyaḥ sadāsāḥ ||

4.021.01a ā yātv indro 'vaṣa upā na iha stutaḥ sadhamād astu sūraḥ |
 4.021.01c vāvṛdhānas taviṣir yasya pūrvir dyaur na kṣātram abhibhūti puṣyāt ||
 4.021.02a tasyed iha stāvatha vṛṣnyāni tuvidyumnasya tuvirādhaso nṛn |
 4.021.02c yasya kratuṃ vidathyoṣ na samrāt sāhvān tarutro abhy asti kṛṣṭiḥ ||
 4.021.03a ā yātv indro diva ā pṛthivyā makṣū samudrād uta vā puriṣāt |
 4.021.03c svarṇarād avase no marutvān parāvato vā sadanād ṛtasya ||
 4.021.04a sthūrasya rāyo br̥hato ya īse tam u ṣṭavāma vidatheṣv indram |
 4.021.04c yo vāyunā jayati gomatiṣu pra dhṛṣṇuyā nayati vasyo acchā ||
 4.021.05a upa yo namo namasi stabhāyann iyarti vācam janayan yajadhyai |
 4.021.05c r̥ṇjasānaḥ puruvāra ukthair endram kṛṇvīta sadaneṣu hotā ||
 4.021.06a dhiṣā yadi dhiṣanyantaḥ saranyān sadanto adrim auśijasya gohe |
 4.021.06c ā duroṣāḥ pāstyasya hotā yo no mahān samvaraṇeṣu vahniḥ ||
 4.021.07a satrā yad im bhārvarasya vṛṣnaḥ siṣakti śuṣma stuvate bharāya |
 4.021.07c guhā yad im auśijasya gohe pra yad dhiye prāyase madāya ||
 4.021.08a vi yad varāmsi parvatasya vṛṇve payobhir jinve apām javāmsi |
 4.021.08c vidad gaurasya gavayasya gohe yadi vājāya sudhyoṣ vahanti ||
 4.021.09a bhadrā te hastā sukṛtota pāṇi prayantārā stuvate rādha indra |
 4.021.09c kā te niṣattih kim u no mamatsi kim nod-ud u harṣase dātavā u ||
 4.021.10a evā vasva indraḥ satyaḥ samrād dhantā vṛtram varivaḥ pūrave kaḥ |
 4.021.10c puruṣtuta kratvā naḥ śagdhi rāyo bhakṣīya te 'vaso daivyasya ||
 4.021.11a nū ṣṭuta indra nū gr̥ṇāna iṣaṃ jaritre nadyoṣ na pīpeḥ |
 4.021.11c akāri te harivo brahma navyaṃ dhiyā syāma rathyaḥ sadāsāḥ ||

4.022.01a yan na indro jujuṣe yac ca vaṣṭi tan no mahān karati śuṣmy ā cit |
 4.022.01c brahma stomam maghavā somam ukthā yo aśmānaṃ śavasā bibhṛad eti ||
 4.022.02a vṛṣā vṛṣandhim caturaśrim asyann ugro bāhubhyaṃ nṛtamaḥ śacivān |
 4.022.02c śriye paruṣṇim uṣamāna ūrṇān yasyaḥ parvāni sakhyāya vivye ||

4.022.03a yo devo devatāmo jāyamāno mahō vājebhir mahadbhiś ca śuśmaih |
 4.022.03c dadhāno vajram bāhvor uśantaṁ dyām amēna rejayat pra bhūma ||
 4.022.04a viśvā rodhāmsi pravataś ca pūrvīr dyaaur rṣvāj janīman rejata kṣāh |
 4.022.04c ā mātarā bharati śuśmy ā gor nrvat pariṁjan nonuvanta vātāh ||
 4.022.05a tā tū tā indra mahato mahāni viśveṣv it savaneṣu pravācyā |
 4.022.05c yac chūra dhr̥ṣṇo dhr̥ṣatā dadhr̥ṣvān ahim vajreṇa śavasāviveṣih ||
 4.022.06a tā tū te satyā tuvinr̥m̥na viśvā pra dhenavaḥ sistrate vṛṣṇa ūdhnaḥ |
 4.022.06c adhā ha tvad vṛṣamaṇo bhīyānāḥ pra sindhavo jvasā cakramanta ||
 4.022.07a atrāha te harivaś tā u devīr avobhir indra stavanta svasārah |
 4.022.07c yat sim anu pra muco badbadhānā dīrghām anu prasitīm syandayadhyai ||
 4.022.08a pipīle aṁśur madyo na sindhur ā tvā samī śaśamānasya śaktih |
 4.022.08c asmadyak chuśucānasya yamyā āśur na raśmim tuvyojasam goḥ ||
 4.022.09a asme varṣiṣṭhā kr̥nuhi jyesthā nrm̥nāni satrā sahure sahāmsi |
 4.022.09c asmabhyam vṛtrā suhanāni randhi jaḥi vadhar vanuṣo martyasya ||
 4.022.10a asmākam it su śr̥nuhi tvam indrāsmabhyam citrām upa māhi vājān |
 4.022.10c asmabhyam viśvā iṣaṇaḥ purāndhīr asmākam su maghavan bodhi godāh ||
 4.022.11a nū ṣṭuta indra nū gr̥nāna iṣam jaritre nadyo₃ na pipeḥ |
 4.022.11c akāri te harivo brahma navyam dhiyā syāma rathyaḥ sadāsāh ||

4.023.01a kathā mahām avrdhat kasya hotur yajnam juśāno abhi somam ūdhaḥ |
 4.023.01c pibann uśāno juśamāno andho vavakṣa rṣvaḥ śucate dhanāya ||
 4.023.02a ko asya vīrah sadhamādām āpa sam ānamśa sumatibhiḥ ko asya |
 4.023.02c kad asya citram cikite kad ūti vrdhe bhuvac chaśamānasya yajyoḥ ||
 4.023.03a kathā śr̥noti hūyamānam indrah kathā śr̥nvann avasām asya veda |
 4.023.03c kā asya pūrvīr upamātayo ha kathainam āhuḥ papūrim jaritre ||
 4.023.04a kathā sabādhaḥ śaśamāno asya naśad abhi draviṇam dīdhyānaḥ |
 4.023.04c devo bhuvan navedā ma r̥tānām namo jagr̥bhvām abhi yaj jujoṣat ||
 4.023.05a kathā kad asyā uśaso vyuṣtau devo martasya sakhyam jujoṣa |
 4.023.05c kathā kad asya sakhyam sakhibhyo ye asmin kāmam suyujam tatasre ||
 4.023.06a kim ād amatram sakhyam sakhibhyaḥ kadā nu te bhrātram pra bravāma |
 4.023.06c śriye sudr̥so vapur asya sargāḥ svalr̥ na citratamam iṣa ā goḥ ||
 4.023.07a druham jighāmsan dhvarasam anindrām tetikte tigmā tujase anikā |
 4.023.07c r̥nā cid yatra r̥mayā na ugro dūre ajñātā uśaso babādhe ||
 4.023.08a r̥tasya hi śrudhaḥ santi pūrvīr r̥tasya dhītir vṛjināni hanti |
 4.023.08c r̥tasya śloko badhirā tātardā karnā budhānaḥ śucamāna āyoh ||
 4.023.09a r̥tasya dr̥lhā dharuṇāni santi purūni candrā vapuṣe vapūm̥si |
 4.023.09c r̥tena dīrgham iṣananta pr̥kṣa r̥tena gāvā r̥tam ā viveśuḥ ||
 4.023.10a r̥tam yemāna r̥tam id vanoty r̥tasya śuśmas turayā u gavyuḥ |
 4.023.10c r̥tāya pr̥thvī bahule gabhīre r̥tāya dhenū paramē duhāte ||
 4.023.11a nū ṣṭuta indra nū gr̥nāna iṣam jaritre nadyo₃ na pipeḥ |
 4.023.11c akāri te harivo brahma navyam dhiyā syāma rathyaḥ sadāsāh ||

4.024.01a kā suṣṭuṭiḥ śavasah sūnum indram arvācīnam rādhasa ā vavartat |
 4.024.01c daḍir hi vīro grṇate vasūni sa gopatir niṣṣidhām no janāsaḥ ||
 4.024.02a sa vṛtrahatyē havyaḥ sa īdyaḥ sa suṣṭuta indrah satyarādhaḥ |
 4.024.02c sa yāmann ā maghavā martyāya brahmaṇyate suṣvāye varivo dhāt ||
 4.024.03a tam in narō vi hvayante samīke ririkvāmsas tanvaḥ kṛṇvata trām |
 4.024.03c mītho yat tyāgam ubhayāso agman naras tokasya tanayasya sātāu ||
 4.024.04a kratūyanti kṣitayo yoga ugrāsuṣāṇāso mītho arṇasātāu |
 4.024.04c sam yad viśo 'vavṛtranta yudhmā ād in nema indrayante abhīke ||
 4.024.05a ād id dha nema indriyam yajanta ād it paktiḥ puroḷāśam riricyāt |
 4.024.05c ād it somo vi papṛcyād asuṣvīn ād ij jujoṣa vṛṣabham yajadhyaī ||
 4.024.06a kṛṇoty āsmai varivo ya itthendrāya somam uśate sunoti |
 4.024.06c sadhrīcīnena manasāvivenan tam it sakhāyam kṛṇute samatsu ||
 4.024.07a ya indrāya sunavat somam adya pacāt paktir uta bhrjjāti dhānāḥ |
 4.024.07c prati manāyor ucathāni haryan tasmīn dadhad vṛṣaṇam śuśmam indrah ||
 4.024.08a yadā samaryam vy aced ṛghāvā dīrgham yad ājim abhy akhyād aryah |
 4.024.08c acikradad vṛṣaṇam patny acchā duroṇa ā niśitam somasudbhiḥ ||
 4.024.09a bhūyasā vasnam acarāt kaṇīyo 'vikṛito akāniṣam punar yan |
 4.024.09c sa bhūyasā kaṇīyo nārirecid dīnā dakṣā vi duhanti pra vānam ||
 4.024.10a ka imam daśabhir mamendram kṛiṇāti dhenubhiḥ |
 4.024.10c yadā vṛtrāṇi jaṅghanad athainam me punar dadat ||
 4.024.11a nū ṣṭuta indra nū grṇāna iṣam jaritre nadyoṣ na pīpeḥ |
 4.024.11c akāri te harivo brahma navyam dhiyā syāma rathyaḥ sadāsah ||

4.025.01a ko adya naryo devakāma uśann indrasya sakhyam jujoṣa |
 4.025.01c ko vā mahe 'vase pāryāya samiddhe agnau sutasoma itte ||
 4.025.02a ko nānāma vacasā somyāya manāyur vā bhavati vasta usrah |
 4.025.02c ka indrasya yujyam kaḥ sakhitvam ko bhrātram vaṣṭi kavaye ka ūti ||
 4.025.03a ko devānām avo adyā vṛṇite ka adityam aditim jyotir itte |
 4.025.03c kasyāśvināv indro agniḥ sutasyāmsōḥ pibanti manasāvivenam ||
 4.025.04a tasmā agnir bhārataḥ śarma yamsaj jyok paśyāt sūryam uccarantam |
 4.025.04c ya indrāya sunavāmety āha nare naryāya nṛtamāya nṛṇām ||
 4.025.05a na tam jinanti bahavo na dabhrā urv asmā aditiḥ śarma yamsat |
 4.025.05c priyah sukṛt priya indre manāyuh priyah supṛāvīḥ priyo asya somī ||
 4.025.06a supṛāvyaḥ prāsuṣāl eṣa viraḥ suṣveḥ paktim kṛṇute kevalendrah |
 4.025.06c nāsusver āpir na sakhā na jāmir duṣpṛāvyo 'vahanted avācaḥ ||
 4.025.07a na revatā paṇinā sakhyam indro 'sunvatā sutapāḥ sam grṇite |
 4.025.07c āsya vedah khidati hanti nagnam vi suṣvāye paktaye kevalo bhūt ||
 4.025.08a indram pare 'vare madhyamāsa indram yānto 'vasitāsa indram |
 4.025.08c indram kṣiyanta uta yudhyamānā indram narō vājayanto havante ||

4.026.01a aham manur abhavam sūryaś cāham kakṣivāṃ ṛṣir asmī viprah |
 4.026.01c aham kutsam ārjuneyam ny rñje 'ham kavir uśanā paśyatā mā ||
 4.026.02a aham bhūmim adadām āryāyāham vṛṣṭim dāsuse martyāya |
 4.026.02c aham apo anayam vāvaśānā mamā devāso anu ketam āyan ||
 4.026.03a aham puro mandasāno vy airam nava sākam navatīḥ śambarasya |
 4.026.03c śatatamam veśyam sarvatātā divodāsam atithigvam yad āvam ||
 4.026.04a pra su śa vibhyo maruto vir astu pra śyenaḥ śyenebhyā āsupatvā |
 4.026.04c acakrayā yat svadhayā suparṇo havyam bharan manave devajuṣtam ||
 4.026.05a bharad yadi vir ato vevijānaḥ pathoruṇā manojavā asarji |
 4.026.05c tūyam yayau madhunā somyenota śravo vivide śyeno atra ||
 4.026.06a rjipi śyeno dadamāno amśum parāvataḥ śakuno mandram madam |
 4.026.06c somam bharad dādrhāno devāvān divo amuśmād uttarād ādāya ||
 4.026.07a ādāya śyeno abharat somam sahasram savāṃ ayutam ca sākam |
 4.026.07c atrā purandhir ajahād arātīr made somasya mūrā amūrah ||

4.027.01a garbhe nu sann anv eśām avedam aham devānām janimāni viśvā |
 4.027.01c śatam mā pura āyasir arakṣann adha śyeno jivasā nir adīyam ||
 4.027.02a na ghā sa mām apa jośam jabhārābhīm āsa tvakṣasā vīryeṇa |
 4.027.02c īrmā purandhir ajahād arātīr uta vātām atarac chūśuvānaḥ ||
 4.027.03a ava yac chyeno asvanīd adha dyor vi yad yadi vāta ūhuḥ purandhim |
 4.027.03c srjad yad asmā ava ha kṣipaj jyām kṛśānur astā manasā bhuraṇyan ||
 4.027.04a rjipyā im indravato na bhujyūm śyeno jabhāra brhato adhi ṣṇoḥ |
 4.027.04c antaḥ patat patatry āsya paṇnam adha yāmāni prasitasya tad veh ||
 4.027.05a adha śvetam kalaśam gobhir āktam āpipyānam maghavā śukram andhaḥ |
 4.027.05c adhvaryubhiḥ prayatam madhvo agram indro madāya prati dhat pibādhyai sūro madāya
 prati dhat pibādhyai ||

4.028.01a tvā yujā tava tat soma sakhya indro apo manave sasrutās kaḥ |
 4.028.01c ahann ahim ariṇāt sapta sindhūn apāvṛṇod apihiteva khāni ||
 4.028.02a tvā yujā ni khidat sūryasyendraś cakram sahasā sadya indo |
 4.028.02c adhi ṣṇunā brhātā vartamānam maḥo druho apa viśvāyu dhāyi ||
 4.028.03a ahann indro adāhad agnir indo purā dasyūn madhyandinād abhīke |
 4.028.03c durge duroṇe kratvā na yātām purū sahasrā śarvā ni barhīt ||
 4.028.04a viśvasmāt sim adhamāṃ indra dasyūn viśo dāsīr akrṇor apraśastāḥ |
 4.028.04c abādthēm amṛnataṃ ni śatrūn avindethām apacitīm vadhatraiḥ ||
 4.028.05a evā satyam maghavānā yuṣvam tad indraś ca somorvam aśvyam goḥ |
 4.028.05c ādardṛtam apihitāny aśnā riricathuḥ kṣās cit tatṛdānā ||

4.029.01a ā na śtuta upa vājebhir ūtī indra yāhi haribhir mandasānaḥ |
 4.029.01c tiraś cid ayaḥ savanā purūṇy āngūṣebhir grṇānaḥ satyarādhāḥ ||
 4.029.02a ā hi śmā yāti naryaś cikivān hūyamānaḥ sotrbhir upa yajñam |

4.029.02c svaśvo yo abhīrur manyamānaḥ suśvāṇebhir madatī sam ha vīraiḥ ||
 4.029.03a śrāvayed aśya karnā vājayadhyai juṣṭām anu pra diśam mandayadhyai |
 4.029.03c udvāvṛṣāno rādhase tuviṣmān karan na indraḥ sutīrthābhāyaṁ ca ||
 4.029.04a acchā yo gantā nādhāmānam ūtī itthā vipraṁ havāmānam gr̥nantam |
 4.029.04c upa tmani dadhāno dhury āśūn sahasrāṇi śatāni vajrabāhuḥ ||
 4.029.05a tvotāso maghavann indra viprā vyaṁ te syāma sūrayo gr̥nantah |
 4.029.05c bhejānāso br̥haddivasya rāya ākāyyasya dāvane purukṣoḥ ||

4.030.01a nakir indra tvad uttaro na jyāyāṁ asti vṛtrahan |
 4.030.01c nakir evā yathā tvam ||
 4.030.02a satrā te anu kṛṣṭayo viśvā cakrevā vāvṛtuḥ |
 4.030.02c satrā mahāṁ asi śrutah ||
 4.030.03a viśve caned anā tvā devāsa indra yuyudhuḥ |
 4.030.03c yad ahā naktam ātirah ||
 4.030.04a yatrota bādhitēbhyāś cakram kutsāya yudhyate |
 4.030.04c muṣāya indra sūryam ||
 4.030.05a yatra devāṁ ṛghāyato viśvāṁ ayūdhyā eka it |
 4.030.05c tvam indra vanūṁr ahan ||
 4.030.06a yatrota martyāya kam arinā indra sūryam |
 4.030.06c prāvah śacībhir etaśam ||
 4.030.07a kim ād utāsi vṛtrahan maghavan manyumattamaḥ |
 4.030.07c atrāha dānum ātirah ||
 4.030.08a etad ghed uta vīryaṁ indra cakartha pauṁsyam |
 4.030.08c striyam yad durhaṇāyuvam vadhīr duhitaram divah ||
 4.030.09a divas cid ghā duhitaram mahān mahīyamānām |
 4.030.09c uśāsam indra sam piṅak ||
 4.030.10a apośa anasaḥ sarat sampiṣṭād aha bibhyuśi |
 4.030.10c ni yat sim śiśnathad vṛṣā ||
 4.030.11a etad aśyā anaḥ śaye susampiṣṭam vipāśy ā |
 4.030.11c sasāra sim parāvataḥ ||
 4.030.12a uta sindhum vibālyam vitasthānām adhi kṣami |
 4.030.12c pari ṣṭhā indra māyayā ||
 4.030.13a uta śuśnāsyā dhṛṣṇuyā pra mṛkṣo abhi vedanam |
 4.030.13c puro yad aśya sampiṅak ||
 4.030.14a uta dāsam kaulitaram br̥hataḥ parvatād adhi |
 4.030.14c avāhann indra śambāram ||
 4.030.15a uta dāsasyā varcinah sahasrāṇi śatāvadhīḥ |
 4.030.15c adhi pañca pra dhūṁr iva ||
 4.030.16a uta tyam putram agruvaḥ parāvṛktaḥ śatakratuḥ |
 4.030.16c uktheśv indra ābhajat ||
 4.030.17a uta tyā turvaśāyadū asnātārā śacīpatīḥ |

- 4.030.17c indro vidvāṃ apārayat ||
4.030.18a uta tyā sadya āryā sarayor indra pārataḥ |
4.030.18c arṇācitrarathāvadhiḥ ||
4.030.19a anu dvā jahitā nayo 'ndham śroṇam ca vṛtrahan |
4.030.19c na tat te sumnam aṣṭave ||
4.030.20a śatam aśmanmayīnām purām indro vy āsyat |
4.030.20c divodāsāya dāśuṣe ||
4.030.21a asvāpayad dabhitāye sahasrā trīṃsatam hathaiḥ |
4.030.21c dāsānām indro māyayā ||
4.030.22a sa ghed utāsi vṛtrahan samāna indra gopatiḥ |
4.030.22c yas tā viśvāni cicyuṣe ||
4.030.23a uta nūnam yad indriyam kariṣyā indra paumsyam |
4.030.23c adyā nakiṣṭad ā minat ||
4.030.24a vāmam-vāmam ta ādure devo dadāt v aryamā |
4.030.24c vāmam pūṣā vāmam bhago vāmam devaḥ karūlati ||
- 4.031.01a kayā naś citra ā bhuvad uti sadāvṛdhaḥ sakhā |
4.031.01c kayā śaciṣṭhayā vṛtā ||
4.031.02a kas tvā satyo madānām mamhiṣṭho matsad andhasaḥ |
4.031.02c dr̥lhā cid āruje vasu ||
4.031.03a abhi ṣu ṇaḥ sakhīnām avitā jaritṛṇām |
4.031.03c śatam bhavāsy utibhiḥ ||
4.031.04a abhi na ā vavṛtsva cakram na vṛttam arvataḥ |
4.031.04c niyudbhiś carṣaṇīnām ||
4.031.05a pravatā hi kratūnām ā hā padeva gacchasi |
4.031.05c abhakṣi sūrye sacā ||
4.031.06a sam yat tā indra manyavaḥ sam cakrāṇi dadhanvire |
4.031.06c adha tve adha sūrye ||
4.031.07a uta smā hi tvām āhur in maghavānam śacīpate |
4.031.07c dātāram avidīdhayum ||
4.031.08a uta smā sadya it pari śasamānāya sunvate |
4.031.08c purū cin mamhase vasu ||
4.031.09a nahi śmā te śatam cana rādho varanta āmuraḥ |
4.031.09c na cyautnāni kariṣyataḥ ||
4.031.10a asmāṃ avantu te śatam asmān sahasram utayaḥ |
4.031.10c asmān viśvā abhiṣṭayaḥ ||
4.031.11a asmāṃ ihā vṛṇiṣva sakhyāya svastaye |
4.031.11c maḥo rāye divitmate ||
4.031.12a asmāṃ aviddhi viśvahendra rāyā pariṇasā |
4.031.12c asmān viśvābhir utibhiḥ ||
4.031.13a asmabhyam tāṃ apā vṛdhi vrajāṃ asteva gomataḥ |

- 4.031.13c navābhir indrotibhiḥ ||
- 4.031.14a asmākam dhr̥ṣṇuyā ratho dyumām̃ indrānapacyutaḥ |
- 4.031.14c gavyur aśvayur iyate ||
- 4.031.15a asmākam uttamaṁ kṛdhi śravo deveṣu sūrya |
- 4.031.15c varṣiṣṭham dyām ivopari ||
-
- 4.032.01a ā tū na indra vṛtrahann asmākam ardham ā gahi |
- 4.032.01c mahān mahībhīr utibhiḥ ||
- 4.032.02a bhr̥mīś cid ghāsi tūtujir ā citra citriṇīṣv ā |
- 4.032.02c citram kṛṇoṣy utaye ||
- 4.032.03a dabhbhiś cic chaśiyāmsam hamsi vrādhantam ojasā |
- 4.032.03c sakhībhīr ye tve sacā ||
- 4.032.04a vayam indra tve sacā vayam tvābhi nonumah |
- 4.032.04c asmām̃-asmām̃ id ud ava ||
- 4.032.05a sa naś citrābhīr adrivo navadyābhīr utibhiḥ |
- 4.032.05c anādhr̥ṣṭābhīr ā gahi ||
- 4.032.06a bhūyāmo ṣu tvāvataḥ sakhāya indra gomataḥ |
- 4.032.06c yujo vājāya ghr̥ṣvaye ||
- 4.032.07a tvam hy eka īśiṣa indra vājasya gomataḥ |
- 4.032.07c sa no yandhi mahīm iṣam ||
- 4.032.08a na tvā varante anyathā yad ditsasi stuto magham |
- 4.032.08c stotr̥bhya indra girvaṇaḥ ||
- 4.032.09a abhi tvā gotamā girānūṣata pra dāvanē |
- 4.032.09c indra vājāya ghr̥ṣvaye ||
- 4.032.10a pra te vocāma vīryā3 yā mandasāna ārujaḥ |
- 4.032.10c puro dāsir abhīya ||
- 4.032.11a tā te gr̥ṇanti vedhaso yāni cakārtha paumsyā |
- 4.032.11c sūteṣv indra girvaṇaḥ ||
- 4.032.12a avīvṛdhanta gotamā indra tve stomavāhasaḥ |
- 4.032.12c aiṣu dhā vīravād yaśaḥ ||
- 4.032.13a yac cid dhi śaśvatām asindra sādharmaṇas tvam |
- 4.032.13c tam tvā vayam havāmahe ||
- 4.032.14a arvācīno vaso bhavāsme su matsvāndhasaḥ |
- 4.032.14c somānām indra somapāḥ ||
- 4.032.15a asmākam tvā matinām ā stoma indra yacchatu |
- 4.032.15c arvāg ā vartayā harī ||
- 4.032.16a puroḷāśam ca no ghaso joṣayāse girāś ca naḥ |
- 4.032.16c vadhūyur iṣa yoṣaṇām ||
- 4.032.17a sahasram vyatinām yuktānām indram īmahe |
- 4.032.17c śatam somasya khāryaḥ ||
- 4.032.18a sahasrā te śatā vayam gavām ā cyāvayāmasi |

- 4.032.18c asmatrā rādha etu te ||
- 4.032.19a daśa te kaśānām hiraṇyānām adhīmahi |
- 4.032.19c bhūridā asi vṛtrahan ||
- 4.032.20a bhūridā bhūri dehi no mā dabhram bhūry ā bhāra |
- 4.032.20c bhūri gheda indra ditsasi ||
- 4.032.21a bhūridā hy asi śrutah purutrā sūra vṛtrahan |
- 4.032.21c ā no bhajasva rādhasi ||
- 4.032.22a pra te babhrū vicakṣaṇa śamsāmi goṣaṇo napāt |
- 4.032.22c mābhyām gā anu śisrathaḥ ||
- 4.032.23a kaṇīnakeva vidradhe nave drupade arbhake |
- 4.032.23c babhrū yāmeṣu śobhete ||
- 4.032.24a aram ma usrayāmṇe ram anusrayāmṇe |
- 4.032.24c babhrū yāmeṣv asridhā ||
-
- 4.033.01a pra ṛbhubhyo dūtam iva vācam iṣya upastire svaitarīm dhenum ile |
- 4.033.01c ye vātājūtās taraṇibhir evaiḥ pari dyām sadyo apaso babhūvuḥ ||
- 4.033.02a yadāram akrann ṛbhavaḥ pitṛbhyām pariviṣṭi veṣaṇā daṁsanābhiḥ |
- 4.033.02c ād id devānām upa sakhyam āyan dhīrāsah puṣṭim āvahan maṇāyai ||
- 4.033.03a punar ye cakruḥ pitarā yuvānā sanā yūpeva jaraṇā śayānā |
- 4.033.03c te vājo vibhvām ṛbhur indravanto madhupsaraso no vantu yajñam ||
- 4.033.04a yat samvatsam ṛbhavo gām arakṣan yat samvatsam ṛbhavo mā apimśan |
- 4.033.04c yat samvatsam abharan bhāso asyās tābhiḥ samibhir amṛtatvam āsuḥ ||
- 4.033.05a jyeṣṭha āha camasā dvā kareti kaṇīyān trīn kṛṇavāmety āha |
- 4.033.05c kaṇiṣṭha āha caturās kareti tvaṣṭa ṛbhavas tat panayaḥ vaco vaḥ ||
- 4.033.06a satyam ūcur nara evā hi cakrur anu svadhām ṛbhavo jagmur etām |
- 4.033.06c vibhrājamānāṁś camasāṁ ahevāvenat tvaṣṭa caturō dadṛśvān ||
- 4.033.07a dvādaśa dyūn yad aḡohyasyātithye raṇann ṛbhavaḥ sasantaḥ |
- 4.033.07c sukṣetrākṛṇvann anayanta sindhūn dhanvātīṣṭhann oṣadhīr nimnam āpaḥ ||
- 4.033.08a ratham ye cakruḥ svṛtam nareṣṭhām ye dhenum viśvajuvām viśvarūpām |
- 4.033.08c ta ā takṣantv ṛbhavo rayim naḥ svavasah svapasah suhastāḥ ||
- 4.033.09a apo hy eṣām ajuṣanta devā abhi kratvā manasā dīdhyānāḥ |
- 4.033.09c vājo devānām abhvat sukarmendrasya ṛbhukṣā varuṇasya vibhvā ||
- 4.033.10a ye hari medhayokthā madanta indrāya cakruḥ suyujā ye aśvā |
- 4.033.10c te rāyas poṣam draviṇāny asme dhatta ṛbhavaḥ kṣemayanto na mitram ||
- 4.033.11a idāhnaḥ pitim uta vo madam dhur na rte śrāntasya sakhyāya devāḥ |
- 4.033.11c te nūnam asme ṛbhavo vasūni trītye asmin savāne dadhāta ||
-
- 4.034.01a ṛbhur vibhvā vāja indro no acchemam yajñam ratnadheyopā yāta |
- 4.034.01c idā hi vo dhiṣaṇā devy ahnām adhāt pitim sam madā agmatā vaḥ ||
- 4.034.02a vidānāso janmano vājaratnā uta rtubhīr ṛbhavo mādayadhvam |
- 4.034.02c sam vo madā agmatā sam purandhiḥ svīrām asme rayim erayadhvam ||

4.034.03a ayaṁ vo yajña ṛbhavo 'kāri yam ā manuṣvat pradivo dadhidhve |
 4.034.03c pra vo 'cchā jujusānāso asthur abhūta viśve agriyota vājāḥ ||
 4.034.04a abhūd u vo vidhate ratnadheyam idā naro dāśuṣe martyāya |
 4.034.04c pibata vājā ṛbhavo dade vo mahi tṛtīyaṁ savānaṁ madāya ||
 4.034.05a ā vājā yātopa na ṛbhukṣā maho naro draviṇaso grṇānāḥ |
 4.034.05c ā vaḥ pītayo 'bhipitve ahnām imā astam navasva iva gman ||
 4.034.06a ā napātaḥ śvaso yātanopemam yajñam namasā hūyamānāḥ |
 4.034.06c sajośasaḥ sūrayo yasya ca stha madhvaḥ pāta ratnadhā indravantaḥ ||
 4.034.07a sajośā indra varuṇena somam sajośāḥ pāhi girvaṇo marudbhiḥ |
 4.034.07c agrepābhir rtupābhiḥ sajośā gnāspatnībhiḥ ratnadhābhiḥ sajośāḥ ||
 4.034.08a sajośasa ādityair mādayadhvam sajośasa ṛbhavaḥ parvatebhiḥ |
 4.034.08c sajośaso daivyenā savitrā sajośasaḥ sindhubhiḥ ratnadhebhīḥ ||
 4.034.09a ye aśvinā ye pitarā ya ūti dhenum tataksur ṛbhavo ye aśvā |
 4.034.09c ye amsatrā ya ṛdhag rodasī ye vibhvo naraḥ svapatyāni cakruḥ ||
 4.034.10a ye gomantaṁ vājavantaṁ suvīraṁ rayim dhattha vasumantam purukṣum |
 4.034.10c te agrepā ṛbhavo mandasānā asme dhatta ye ca rātim grṇanti ||
 4.034.11a nāpābhūta na vo 'tīṛṣāmāniḥśastā ṛbhavo yajñe asmin |
 4.034.11c sam indreṇa madātha sam marudbhiḥ sam rājabhiḥ ratnadheyāya devāḥ ||

4.035.01a ihopa yāta śvaso napātaḥ saudhanvanā ṛbhavo māpa bhūta |
 4.035.01c asmin hi vaḥ savane ratnadheyam gamantv indram anu vo madāsaḥ ||
 4.035.02a āgann ṛbhūnām iha ratnadheyam abhūt somasya suśūtasya pītiḥ |
 4.035.02c sukṛtyayā yat svapasyayā cam ekam vicakra camasaṁ caturdhā ||
 4.035.03a vy akṛṇota camasaṁ caturdhā sakhe vi śikṣety abravīta |
 4.035.03c athaita vājā amṛtasya panthām gaṇam devānām ṛbhavaḥ suhastāḥ ||
 4.035.04a kimmayaḥ svic camasa eṣa āsa yam kāvyena caturō vicakra |
 4.035.04c athā sunudhvaṁ savānaṁ madāya pāta ṛbhavo madhunaḥ somyasya ||
 4.035.05a śacyākarta pitarā yuvānā śacyākarta camasaṁ devapānam |
 4.035.05c śacyā harī dhanutarāv ataṣṭendravāhāv ṛbhavo vājaratnāḥ ||
 4.035.06a yo vaḥ sunoty abhipitve ahnām tivrām vājāsaḥ savānaṁ madāya |
 4.035.06c tasmai rayim ṛbhavaḥ sarvavīram ā takṣata vṛṣaṇo mandasānāḥ ||
 4.035.07a prātaḥ sutam apibo haryaśva mādhyandinam savānaṁ kevalam te |
 4.035.07c sam ṛbhubhiḥ pibasva ratnadhebhīḥ sakhimr yam indra cakṛṣe sukṛtyā ||
 4.035.08a ye devāso abhavatā sukṛtyā śyenā ived adhi divi niṣeda |
 4.035.08c te ratnam dhāta śvaso napātaḥ saudhanvanā abhavatāmṛtāsaḥ ||
 4.035.09a yat tṛtīyaṁ savānaṁ ratnadheyam akṛṇudhvaṁ svapasyā suhastāḥ |
 4.035.09c tad ṛbhavaḥ pariṣiktaṁ va etat sam madebhir indriyebhiḥ pibadhvam ||

4.036.01a anaśvo jāto anabhīśur ukthyo'ṣ rathas tricakraḥ pari vartate rajaḥ |
 4.036.01c mahat tad vo devyasya pravācanaṁ dyām ṛbhavaḥ pṛthivīm yac ca puṣyātha ||
 4.036.02a ratham ye cakruḥ suvṛtam sucetaso 'vihvarantam manasaḥ pari dhyayā |

4.036.02c tām ū nv a₁sya savanasya pītaya ā vo vājā ṛbhavo vedayāmasi ||
 4.036.03a tad vo vājā ṛbhavaḥ supravācanam deveṣu vibhvo abhavan mahitvanam |
 4.036.03c jivrī yat santā pitarā sanājurā punar yuvānā carathāya takṣatha ||
 4.036.04a ekaṁ vi cakra camasaṁ caturvayaṁ niś carmaṇo gām ariṇīta dhītibhiḥ |
 4.036.04c athā deveṣv amṛtatvam ānaśa śruṣṭi vājā ṛbhavas tad va ukthyam ||
 4.036.05a ṛbhuto rayiḥ prathamaśravastamo vājaśrutāso yam ajījanan naraḥ |
 4.036.05c vibhvataṣṭo vidatheṣu pravācyo yam devāso vathā sa vicarṣaṇiḥ ||
 4.036.06a sa vājy arvā sa ṛṣir vacasyayā sa sūro astā pṛtanāsu duṣṭarah |
 4.036.06c sa rāyas poṣam sa suvīryam dadhe yam vājo vibhvām ṛbhavo yam āviṣuḥ ||
 4.036.07a śreṣṭham vaḥ peśo adhi dhāyi darśataṁ stomo vājā ṛbhavas taṁ jujuṣṭana |
 4.036.07c dhīrāso hi ṣṭhā kavayo vipaścitas tān va enā brahmaṇā vedayāmasi ||
 4.036.08a yūyam asmabhyam dhiṣaṇābhyas pari vidvāmsō viśvā naryāṇi bhojanā |
 4.036.08c dyumantaṁ vājam vṛṣaśuṣmam uttamam ā no rayim ṛbhavas takṣatā vayah ||
 4.036.09a iha prajām iha rayim rarāṇā iha śravo vīravat takṣatā naḥ |
 4.036.09c yena vayam citayemāty anyān taṁ vājam citram ṛbhavo dadā naḥ ||

4.037.01a upa no vājā adhvaram ṛbhukṣā devā yāta pathibhir devayānaiḥ |
 4.037.01c yathā yajñam manuṣo vikṣv āṅsu dadhīdhve raṇvāḥ sudineṣv ahnām ||
 4.037.02a te vo hṛde manase santu yajñā juṣṭāso adya ghṛtanirṇijo guḥ |
 4.037.02c pra vaḥ sutāso harayanta pūrṇaḥ kratve dakṣāya harṣayanta pītāḥ ||
 4.037.03a tryudāyam devahitam yathā va stomo vājā ṛbhukṣaṇo dade vaḥ |
 4.037.03c juhve manuṣvad uparāsu vikṣu yuṣme sacā brhaddiveṣu somam ||
 4.037.04a pīvoāśvāḥ śucadrathā hi bhūtāyaḥśiprā vājinaḥ suniṣkāḥ |
 4.037.04c indrasya sūno śavaso napāto 'nu vaś cety agriyam madāya ||
 4.037.05a ṛbhūm ṛbhukṣaṇo rayim vāje vājintamaṁ yujam |
 4.037.05c indrasvantam havāmahe sadāsātamaṁ aśvinam ||
 4.037.06a sed ṛbhavo yam avatha yūyam indraś ca martyam |
 4.037.06c sa dhībhir astu sanitā medhasātā so arvatā ||
 4.037.07a vi no vājā ṛbhukṣaṇaḥ pathaś citana yaṣṭave |
 4.037.07c asmabhyam sūraya stutā viśvā āśās tarīṣaṇi ||
 4.037.08a taṁ no vājā ṛbhukṣaṇa indra nāsatyā rayim |
 4.037.08c sam aśvam carṣaṇibhya ā puru śasta maghattaye ||

4.038.01a uto hi vām dātrā santi pūrvā yā pūrubhyas traśadasyur nitoṣe |
 4.038.01c kṣetrāsām dadathur urvarāsām ghanam dasyubhyo abhibhūtim ugram ||
 4.038.02a uta vājinaṁ puruniṣsidhvānam dadhikrām u dadathur viśvakṛṣṭim |
 4.038.02c rjipyam śyenam pruṣitapsuṁ āsuṁ carkrtyam aryo nrpatim na sūram ||
 4.038.03a yam sīm anu pravateva dravantaṁ viśvaḥ pūrur madati harṣamānaḥ |
 4.038.03c paḍbhir grdhyantam medhayuṁ na sūram rathaturam vātam iva dhrajantam ||
 4.038.04a yaḥ smārundhāno gadhyā samatsu sanutaraś carati goṣu gacchan |
 4.038.04c āvirrjiko vidathā nicikyat tiro aratim pary āpa āyoh ||

4.038.05a uta smāinaṁ vastramathim na tāyum anu krośanti kṣitayo bhareṣu |
 4.038.05c nīcāyamānaṁ jasurim na śyenaṁ śravaś cācchā paśumac ca yūtham ||
 4.038.06a uta smāsu prathamah sarīṣyan ni vēveti śreṇibhī rathānām |
 4.038.06c srajām kṛṇvāno janyo na śubhvā reṇum rerihat kiraṇam dadaśvān ||
 4.038.07a uta sya vājī sahurir rtāvā śuśrūṣamāṇas tanvā samarye |
 4.038.07c turam yaṭiṣu turayann rjipyo 'dhi bhruvoḥ kirate reṇum rñjan ||
 4.038.08a uta smāsyā tanyator iva dyor rghāyato abhiyujō bhayante |
 4.038.08c yadā sahasram abhi śim ayodhid durvartuḥ smā bhavati bhīma rñjan ||
 4.038.09a uta smāsyā panayanti janā jūtim kṛṣṭipro abhibhūtim āśoḥ |
 4.038.09c utainam āhuḥ samithe viyantah parā dadhikrā asarat sahasraiḥ ||
 4.038.10a ā dadhikrāḥ śavaśā pañca kṛṣṭiḥ sūryā iva jyotiṣāpas tatāna |
 4.038.10c sahasrasāḥ śatasā vājy arvā pṛṇaktu madhvā sam imā vacāmsi ||

4.039.01a āśum dadhikrām tam u nu śṭāvāma divas pṛthivyā uta carkirāma |
 4.039.01c ucchantir mām uśasaḥ sūdayantv ati viśvāni duritāni parṣan ||
 4.039.02a mahāś carkarmy arvataḥ kratuprā dadhikrāvṇaḥ puruvāryāya vṛṣṇaḥ |
 4.039.02c yam pūrubhyo didivāmsam nāgnim dadathur mitravarunā taturim ||
 4.039.03a yo aśvasya dadhikrāvṇo akārit samiddhe agnā uśaso vyuṣṭau |
 4.039.03c anāgasam tam aditiḥ kṛṇotu sa mitreṇa varuṇenā sajośāḥ ||
 4.039.04a dadhikrāvṇa iṣa ūrjo mahō yad amanmahi marutām nāma bhādrām |
 4.039.04c svastaye varuṇam mitram agnim havāmaha indram vajrabāhum ||
 4.039.05a indram ived ubhaye vi hvayanta udīrāṇā yajñam upaprayantaḥ |
 4.039.05c dadhikrām u sūdanam martyāya dadathur mitravarunā no aśvam ||
 4.039.06a dadhikrāvṇo akāriṣam jiṣṇor aśvasya vājinaḥ |
 4.039.06c surabhi no mukhā karat pra ṇa āyūmṣi tāriṣat ||

4.040.01a dadhikrāvṇa id u nu carkirāma viśvā in mām uśasaḥ sūdayantu |
 4.040.01c apām agner uśasaḥ sūryasya bṛhaspater āngirasasya jiṣṇoḥ ||
 4.040.02a satvā bhariṣo gaviṣo dūvanyasac chrāvasyād iṣa uśasas turanyasat |
 4.040.02c satyo draṇo draṇarah pataṅgaro dadhikrāveṣam ūrjam svar janat ||
 4.040.03a uta smāsyā dravatas turanyataḥ parṇam na ver anu vāti pragardhinaḥ |
 4.040.03c śyenasyeva dhrajato ankasam pari dadhikrāvṇaḥ sahorjā taritrataḥ ||
 4.040.04a uta sya vājī kṣipānim turanyati grīvāyām baddho apikakṣa āsanī |
 4.040.04c kratum dadhikrā anu santavitvat pathām ankāmsy anv āpanīphaṇat ||
 4.040.05a hamsaḥ śuciṣad vasur antarikṣasad dhotā vediṣad atithir duroṇasat |
 4.040.05c nrṣad varasad rṭasad vyomasad abjā gojā rṭajā adrijā rṭam ||

4.041.01a indrā ko vām varuṇā sumnam āpa stomō haviṣmām amṛto na hotā |
 4.041.01c yo vām hr̥di kratumām āsmad uktaḥ paśparśad indravarunā namāsvān ||
 4.041.02a indrā ha yo varuṇā cakra āpī devau martah sakhyāya prayasvān |
 4.041.02c sa hanti vṛtrā samitheṣu śatrūn avobhir vā mahadbhiḥ sa pra śrṇve ||

4.041.03a indrā ha ratnaṃ varuṇā dheṣṭhetthā ṛbhyaḥ śaśamānebhyas tā |
 4.041.03c yadī sakhāyā sakhyāya somaiḥ sutebhiḥ suprayasā mādayaite ||
 4.041.04a indrā yuvaṃ varuṇā didyum asmīn ojiṣṭham ugrā ni vādhiṣṭam vajram |
 4.041.04c yo nō durevō vṛkatir dabhītis tasmin mimāthām abhibhūty ojaḥ ||
 4.041.05a indrā yuvaṃ varuṇā bhūtam asyā dhiyaḥ pretārā vṛṣabheva dhenoh |
 4.041.05c sā nō duhīyad yavaseva gatvī sahasradhārā payasā mahī gauḥ ||
 4.041.06a toke hite tanaya urvarāsu sūro dṛśike vṛṣanaś ca paumsye |
 4.041.06c indrā nō atra varuṇā syātām avobhir dasmā paritakmyāyām ||
 4.041.07a yuvām id dhy avase pūrvyāya pari prabhūti gaviṣaḥ svāpī |
 4.041.07c vṛṇīmahe sakhyāya priyāya śūrā manhiṣṭhā pitareva śambhū ||
 4.041.08a tā vām dhiyo vase vājayantir ājīm na jagmur yuvayūḥ sudānū |
 4.041.08c śriye na gāva upa somam asthur indram giro varuṇam me manīśāḥ ||
 4.041.09a imā indram varuṇam me manīśa agmann upa draviṇam icchamānāḥ |
 4.041.09c upem asthur joṣṭāra iva vasvo raghvīr iva śravaso bhikṣamānāḥ ||
 4.041.10a asvyāsyā tmanā rathyasya puṣter nityasya rāyaḥ patayaḥ syāma |
 4.041.10c tā cakrānā ūtibhir navyasībhīr asmatrā rāyo niyutaḥ sacantām ||
 4.041.11a ā nō brhantā brhaṭībhīr ūti indra yātam varuṇā vājasātau |
 4.041.11c yad didyavaḥ pṛtanāsu prakrīlān tasya vām syāma sanītāra ājeh ||

4.042.01a mama dvitā rāṣṭram kṣatriyasya viśvāyor viśve amṛtā yathā naḥ |
 4.042.01c kratum sacante varuṇasya devā rājāmi kṛṣter upamasya vavreh ||
 4.042.02a aham rājā varuṇo mahyam tāny asuryāṇi prathamā dhārayanta |
 4.042.02c kratum sacante varuṇasya devā rājāmi kṛṣter upamasya vavreh ||
 4.042.03a aham indro varuṇas te mahītvorvī gabhīre rajasī sumeke |
 4.042.03c tvaṣṭeva viśvā bhuvanāni vidvān sam airayaṃ rodasī dhārayaṃ ca ||
 4.042.04a aham apo apinvam ukṣamānā dhārayaṃ divaṃ sadana ṛtasya |
 4.042.04c ṛtena putro aditer ṛtāvota tridhātu prathayad vi bhūma ||
 4.042.05a mām naraḥ svaśvā vājayanto mām vṛtāḥ samaraṇe havante |
 4.042.05c kṛṇomy ājīm maghavāham indra iyarmi reṇum abhibhūtyojāḥ ||
 4.042.06a aham tā viśvā cakaram nakir mā daivyaṃ saho varate aprātitam |
 4.042.06c yan mā somāso mamadan yad ukthobhe bhayete rajasī apāre ||
 4.042.07a viduṣ te viśvā bhuvanāni tasya tā pra bravīsi varuṇāya vedhaḥ |
 4.042.07c tvam vṛtrāṇi śṛṇviṣe jaghanvān tvam vṛtām ariṇā indra sindhūn ||
 4.042.08a asmākam atra pitaras ta āsan sapta ṛsayo daurgahe badhyamāne |
 4.042.08c ta āyajanta trasadasyum asyā indram na vṛtraturam ardhadevam ||
 4.042.09a purukutsānī hi vām adāśad dhavyebhir indravaruṇā namobhiḥ |
 4.042.09c athā rājānam trasadasyum asyā vṛtrahaṇām dadathur ardhadevam ||
 4.042.10a rāyā vayaṃ sasavāmsō madema havyena devā yavasena gāvaḥ |
 4.042.10c tām dhenum indravaruṇā yuvaṃ nō viśvāhā dhattam anapasphurantim ||

4.043.01a ka u śravat katamo yajñiyānām vandāru devaḥ katamo juṣāte |

4.043.01c kasyemām devīm amṛteṣu preṣṭhām hr̥di śreṣāma suṣṭutīm suhavyām ||
 4.043.02a ko mṛlāti katama āgamiṣṭho devānām u katamaḥ śambhaviṣṭhaḥ |
 4.043.02c ratham kam āhur dravadaśvam āsum yaṁ sūryasya duhitāvṛṁita ||
 4.043.03a maḥsū hi śmā gacchatha ivato dyūn indro na śaktim paritakmyāyām |
 4.043.03c diva ājātā divyā suparnā kayā śacinām bhavathaḥ śaciṣṭhā ||
 4.043.04a kā vām bhūd upamātiḥ kayā na āśvinā gamatho hūyamānā |
 4.043.04c ko vām mahāś cit tyajaso abhika uruṣyatam mādhvī dasrā na ūti ||
 4.043.05a uru vām rathaḥ pari nakṣati dyām ā yat samudrād abhi vartate vām |
 4.043.05c madhvā mādhvī madhu vām pruṣāyan yat sīm vām pṛkṣo bhurajanta pakvāḥ ||
 4.043.06a sindhur ha vām rasayā siñcad aśvān ghr̥ṇā vayo ruṣāsaḥ pari gman |
 4.043.06c tad ū ṣu vām ajiram ceti yānam yena patī bhavathaḥ sūryāyāḥ ||
 4.043.07a iheha yad vām samanā papṛkṣe seyam asme sumatir vājaratnā |
 4.043.07c uruṣyatam jaritāram yuvaṁ ha śritāḥ kāmō nāsatyā yuvadrik ||

4.044.01a tam vām ratham vayam adyā huvema pṛthujrayam āśvinā saṅgatīm goḥ |
 4.044.01c yaḥ sūryām vahati vandhurāyur girvāhasam purutamam vasūyum ||
 4.044.02a yuvaṁ śriyam āśvinā devatā tam divo napātā vanathaḥ śacibhiḥ |
 4.044.02c yuvor vapur abhi pṛkṣaḥ sacante vahanti yat kakuhāso rathe vām ||
 4.044.03a ko vām adyā karate rātahavya ūtayē vā sutapeyāya vārkaiḥ |
 4.044.03c ṛtasya vā vanuṣe pūrvyāya namo yemāno āśvinā vavartat ||
 4.044.04a hiraṇyayena purubhū rathenemaṁ yajñam nāsatyopā yātam |
 4.044.04c pibātha in madhunāḥ somyasya dadhatho ratnam vidhate janāya ||
 4.044.05a ā nō yātam divo acchā pṛthivyā hiraṇyayena suvṛtā rathena |
 4.044.05c mā vām anye ni yaman devayantaḥ sam yad dade nābhiḥ pūrvyā vām ||
 4.044.06a nū nō rayim puruvīram brhantaṁ dasrā mimāthām ubhayesv asme |
 4.044.06c narō yad vām āśvinā stomam āvan sadhastutim ājamīlhāso agman ||
 4.044.07a iheha yad vām samanā papṛkṣe seyam asme sumatir vājaratnā |
 4.044.07c uruṣyatam jaritāram yuvaṁ ha śritāḥ kāmō nāsatyā yuvadrik ||

4.045.01a eṣa sya bhānur ud iyarti yujyate rathaḥ pariḥmā divo aśya sānavi |
 4.045.01c pṛkṣāso asmin mithunā adhi trayo dṛtis turiyo madhuno vi rapṣate ||
 4.045.02a ud vām pṛkṣāso madhumanta irate rathā aśvāsa uśaso vyuṣṭiṣu |
 4.045.02c aporṇuvantas tama ā parivṛtam svaīr na śukram tanvanta ā rajaḥ ||
 4.045.03a madhvaḥ pibatam madhupebhīr āsabhīr uta priyam madhune yuñjāthām ratham |
 4.045.03c ā vartanim madhunā jinvaṭhas patho dṛtiṁ vahethe madhumantam āśvinā ||
 4.045.04a hamsāso ye vām madhumanto asridho hiraṇyaparnā uhuvā uṣarbudhaḥ |
 4.045.04c udapruto mandino mandinispṛso madhvo na makṣaḥ savanāni gacchathaḥ ||
 4.045.05a svadhvarāso madhumanto agnaya usrā jarante prati vastor āśvinā |
 4.045.05c yan niktahastas taranīr vicakṣanaḥ somam suśava madhumantam adribhiḥ ||
 4.045.06a ākenipāso ahabhīr davidhvataḥ svaīr na śukram tanvanta ā rajaḥ |
 4.045.06c sūras cid aśvān yuyujāna iyate viśvām anu svadhayā cetathas pathaḥ ||

- 4.045.07a pra vām avocam aśvinā dhiyandhā rathaḥ svaśvo ajaro yo asti |
4.045.07c yena sadyaḥ pari rajāmsi yātho haṁṣmāntam taraṇim bhojam accha ||
- 4.046.01a agram pibā madhūnām sutam vāyo diviṣṭiṣu |
4.046.01c tvam hi pūrvapā asi ||
4.046.02a śatenā no abhiṣṭibhir niyutvām indrasārathih |
4.046.02c vāyo sutasya trmpatam ||
4.046.03a ā vām sahasram haraya indravāyū abhi prayah |
4.046.03c vahantu somapītaye ||
4.046.04a ratham hiraṇyavandhuram indravāyū svadhvaram |
4.046.04c ā hi sthātho diviṣṭīṣam ||
4.046.05a rathena pṛthupājasā dāśvāmsam upa gacchatam |
4.046.05c indravāyū ihā gatam ||
4.046.06a indravāyū ayam sutas tam devebhiḥ sajoṣasā |
4.046.06c pibatam dāśuṣo grhe ||
4.046.07a iha prayānam astu vām indravāyū vimocanam |
4.046.07c iha vām somapītaye ||
- 4.047.01a vāyo śukro ayāmi te madhvo agram diviṣṭiṣu |
4.047.01c ā yāhi somapītaye spārho deva niyutvatā ||
4.047.02a indras ca vāyav eṣām somānām pītim arhathaḥ |
4.047.02c yuvām hi yantindavo nimnam āpo na sadhryak ||
4.047.03a vāyav indras ca śuṣmiṇā saratham śavasas patī |
4.047.03c niyutvantā na utaya ā yātam somapītaye ||
4.047.04a yā vām santi purusprho niyuto dāśuṣe narā |
4.047.04c asme tā yajñavāhasendravāyū ni yacchatam ||
- 4.048.01a vihi hotrā avitā vipō na rāyo aryah |
4.048.01c vāyav ā candreṇa rathena yāhi sutasya pītaye ||
4.048.02a niryuvāno aśastir niyutvām indrasārathih |
4.048.02c vāyav ā candreṇa rathena yāhi sutasya pītaye ||
4.048.03a anu kṛṣṇe vasudhiti yemāte viśvapeśasā |
4.048.03c vāyav ā candreṇa rathena yāhi sutasya pītaye ||
4.048.04a vahantu tvā manoyujo yuktāso navatir nava |
4.048.04c vāyav ā candreṇa rathena yāhi sutasya pītaye ||
4.048.05a vāyo śatam hariṇām yuvasva poṣyānam |
4.048.05c uta vā te sahasriṇo ratha ā yātu pājasā ||
- 4.049.01a idam vām āsyē haṁṣ priyam indrabṛhaspatī |
4.049.01c uktham madaś ca śasyate ||
4.049.02a ayam vām pari śicyate soma indrabṛhaspatī |

- 4.049.02c cārur madāya pītaye ||
- 4.049.03a ā na indrābr̥haspatī gr̥ham indraś ca gacchatam |
- 4.049.03c somapā somapītaye ||
- 4.049.04a asme indrābr̥haspatī rayim dhattam śatagvinam |
- 4.049.04c aśvāvantaṁ sahasriṇam ||
- 4.049.05a indrābr̥haspatī vyaṁ sute gīrbhir havāmahe |
- 4.049.05c asya somasya pītaye ||
- 4.049.06a somam indrābr̥haspatī pibatam dāśuṣo gr̥he |
- 4.049.06c mādayethām tadokasā ||
-
- 4.050.01a yas tastambha sahasā vi jmo antān br̥haspatīs trisadhastho raveṇa |
- 4.050.01c tam praṅnāsa r̥ṣayo didhyānāḥ puro viprā dadhire mandrajihvam ||
- 4.050.02a dhunetayaḥ supraketaṁ madanto br̥haspate abhi ye nas tatasre |
- 4.050.02c pr̥ṣantaṁ sr̥pram adabddham ūrvam br̥haspate rakṣatād asya yonim ||
- 4.050.03a br̥haspate yā paramā parāvada ā ta r̥taspr̥śo ni śeduh |
- 4.050.03c tubhyaṁ khātā avatā adridugdhā madhva ścotanty abhito virapśam ||
- 4.050.04a br̥haspatiḥ prathamam jāyamāno maḥo jyotiṣaḥ parame vyoman |
- 4.050.04c saptāsyaṣ tuvijāto raveṇa vi saptaraśmir adhamat tamāmsi ||
- 4.050.05a sa suṣtubhā sa r̥kvatā gaṇena valaṁ rūroja phaligaṁ raveṇa |
- 4.050.05c br̥haspatir usriyā havyaśudāḥ kanikradad vāvaśatir ud ājat ||
- 4.050.06a evā pitre viśvadevāya vṛṣṇe yajñair vidhema namasā havirbhiḥ |
- 4.050.06c br̥haspate suprajā vīravanto vyaṁ syāma patayo rayiṇām ||
- 4.050.07a sa id rājā pratijanyāni viśvā śuśmeṇa tasthāv abhi vīryeṇa |
- 4.050.07c br̥haspatim yaḥ subhṛtam bibharti valgūyati vandate pūrvaḥājām ||
- 4.050.08a sa it kṣeti sudhita okasi sve tasmā ilā pinvate viśvadānīm |
- 4.050.08c tasmai viśaḥ svayam evā namante yasmin brahmā rājāni pūrva eti ||
- 4.050.09a apratito jayati sam dhanāni pratijanyāny uta yā sajanyā |
- 4.050.09c avasyave yo varivaḥ kṛṇoti brahmaṇe rājā tam avanti devāḥ ||
- 4.050.10a indraś ca somam pibatam br̥haspate smin yajñe mandasānā vṛṣaṇvasū |
- 4.050.10c ā vām viśantv indavaḥ svābhuvō sme rayim sarvavīraṁ ni yacchatam ||
- 4.050.11a br̥haspata indra vardhataṁ naḥ sacā sā vām sumatir bhūtv asme |
- 4.050.11c aviṣtam dhiyo jigṛtam purandhīr jajastam aryo vanuṣam arātiḥ ||
-
- 4.051.01a idam u tyat purutamam purastāj jyotiś tamaso vayunāvada asthāt |
- 4.051.01c nūnam divo duhitaro vibhātīr gātuṁ kṛṇavann uśaso jānāya ||
- 4.051.02a asthūr u citrā uśasaḥ purastān mitā iva svaravo dhvareṣu |
- 4.051.02c vy ū vrajasya tamaso dvārocchantīr avrañ chucayaḥ pāvakāḥ ||
- 4.051.03a ucchantīr adya citayanta bhojān rādhodeyāyośaso maghoniḥ |
- 4.051.03c acitre antaḥ paṇayaḥ sasantv abūdhyamānās tamaso vimadhye ||
- 4.051.04a kuvit sa devīḥ śanayo navo vā yāmo babhūyād uśaso vo adya |
- 4.051.04c yenā navagve aṅgīre daśagve saptāsye revatī revad uśa ||

4.051.05a yūyam hi devīr ṛtayugbhir aśvaiḥ pariprayātha bhuvanāni sadyaḥ |
 4.051.05c prabodhayantīr uśasaḥ sasantaṁ dvīpāc catuṣpāc carathāya jīvam ||
 4.051.06a kvā svid āsām katamā purāṇī yayā vidhānā vidadhur ṛbhūnām |
 4.051.06c śubham yac chubhrā uśasaś caranti na vi jñāyante sadṛśīr ajuryāḥ ||
 4.051.07a tā ghā tā bhadrā uśasaḥ purāsur abhiṣṭidyumnā ṛtajātasatyāḥ |
 4.051.07c yāsv ījānaḥ śāsamāna ukthai stuvāñ chaṁsan draviṇam sadya āpa ||
 4.051.08a tā ā caranti samānā purastāt samānataḥ samānā paprathānāḥ |
 4.051.08c ṛtasya devīḥ sadaso budhānā gavām na sargā uśaso jarante ||
 4.051.09a tā in nv eṣva samānā samānīr amītavarnā uśasaś caranti |
 4.051.09c gūhantīr abhvam asitam ruśadbhiḥ śukrās tanūbhiḥ śucayo rucānāḥ ||
 4.051.10a rayim divo duhitaro vibhātīḥ prajāvantam yacchatāsmāsu devīḥ |
 4.051.10c syonād ā vaḥ pratibudhyamānāḥ suvīryasya patayaḥ syāma ||
 4.051.11a tad vo divo duhitaro vibhātīr upā bruva uśaso yajñaketuḥ |
 4.051.11c vāyam syāma yaśaso janeṣu tad dyauś ca dhattām pṛthivī ca devī ||

4.052.01a prati śyā sūnarī janī vyucchantī pari svasuḥ |
 4.052.01c divo adarśī duhitā ||
 4.052.02a aśveva citrāruṣī mātā gavām ṛtāvarī |
 4.052.02c sakhābhūd aśvinor uśāḥ ||
 4.052.03a uta sakhāsy aśvinor uta mātā gavām asi |
 4.052.03c utoṣo vasva īśiṣe ||
 4.052.04a yāvayaddveśasam tvā cikītvit sūnṛtāvari |
 4.052.04c prati stomair abhutsmahi ||
 4.052.05a prati bhadrā adṛkṣata gavām sargā na raśmayāḥ |
 4.052.05c oṣā aprā uru jrayāḥ ||
 4.052.06a āpaprūṣī vibhāvari vy āvar jyotiṣā tamaḥ |
 4.052.06c uṣo anu svadhām ava ||
 4.052.07a ā dyām tanoṣi raśmibhir āntarikṣam uru priyam |
 4.052.07c uśāḥ śukreṇa śociṣā ||

4.053.01a tad devasya savitur vāryam mahad vṛṇīmahe asūrya pracetasāḥ |
 4.053.01c chardir yena dāśuṣe yacchati tmanā tan no mahām ud ayān devo aktubhiḥ ||
 4.053.02a divo dhartā bhuvanasya prajāpatīḥ piśāngam drāpim prati muñcate kavīḥ |
 4.053.02c vicakṣaṇaḥ prathayann āpṛṇann urv ajījanat savitā sumnam ukthyam ||
 4.053.03a āprā rajāmsi divyāni pāṛthivā ślokaṁ devaḥ kṛṇute svāya dharmāne |
 4.053.03c pra bāhū asrāk savitā savīmāni niveśayan prasuvann aktubhir jagat ||
 4.053.04a adābhyo bhuvanāni pracākaśad vratāni devaḥ savitābhi rakṣate |
 4.053.04c prāsrāg bāhū bhuvanasya prajābhyo dhṛtavrato mahō ajmasya rājati ||
 4.053.05a trir antarikṣam savitā mahitvanā trī rajāmsi paribhus trīni rocanā |
 4.053.05c tisro divaḥ pṛthivīs tisra invati tribhir vratāir abhi no rakṣati tmanā ||
 4.053.06a bṛhatsumnaḥ prasavitā niveśano jagata sthātur ubhayasya yo vaśī |

4.053.06c sa no devaḥ savitā śarma yacchatv asme kṣayāya trivarūtham amhasaḥ ||
 4.053.07a āgān deva r̥tubhir vardhatu kṣayam dadhātu naḥ savitā suprajām iṣam |
 4.053.07c sa naḥ kṣapābhir ahabhiś ca jinvatu prajāvantam rayim asme sam invatu ||

4.054.01a abhūd devaḥ savitā vandyo nu na idānīm ahnā upavācyo nrbhiḥ |
 4.054.01c vi yo ratnā bhajati mānavebhyaḥ śreṣṭhām no atra draviṇam yathā dadhat ||
 4.054.02a devebhyo hi prathamam yajñiyebhyo 'mṛtatvam suvasi bhāgam uttamam |
 4.054.02c ād id dāmānam savitar vy ūrnuṣe 'nūcīnā jīvitā mānuṣebhyaḥ ||
 4.054.03a acittī yac cakṛmā daivye jāne dīnair dakṣaiḥ prabhūti pūruṣatvatā |
 4.054.03c deveṣu ca savitar mānuṣeṣu ca tvam no atra suvatād anāgasah ||
 4.054.04a na pramiye savitur daivyasya tad yathā viśvam bhuvanam dhārayiṣyati |
 4.054.04c yat pṛthivyā varimann ā svaṅgurir varṣman dīvaḥ suvati satyam aśya tat ||
 4.054.05a indrajyeṣṭhān br̥hadbhyaḥ parvatebhyaḥ kṣayāṃ ebhyaḥ suvasi pastyāvataḥ |
 4.054.05c yathā-yathā patayanto viyemira evaiva tasthuḥ savitaḥ savāya te ||
 4.054.06a ye te trir ahan savitaḥ savāso dive-dive saubhagam āsuvanti |
 4.054.06c indro dyāvāpṛthivī sindhur adbhīr ādityair no aditiḥ śarmā yamsat ||

4.055.01a ko vās trātā vasaḥ ko varūtā dyāvābhūmī adite trāsithām naḥ |
 4.055.01c sahiyaso varuṇa mitra martāt ko vo 'dhvare varivo dhāti devāḥ ||
 4.055.02a pra ye dhāmāni pūrvyāny arcān vi yad ucchān viyotāro amūrāḥ |
 4.055.02c vidhātāro vi te dadhur ajasrā rtadhītayo rurucanta dasmāḥ ||
 4.055.03a pra pastyā³m aditiṃ sindhūm arkaiḥ svastim ile sakhyāya devīm |
 4.055.03c ubhe yathā no ahanī nīpātā uśāsānaktā karatām adabdhe ||
 4.055.04a vy āryamā varuṇas ceti panthām iṣas patih suvitam gātum agnih |
 4.055.04c indravīṣṇū nrvad u su stavānā śarma no yantam amavad varūtham ||
 4.055.05a ā parvatasya marutām avāmsi devasya trātur avri bhagasya |
 4.055.05c pāt patir janyād amhaso no mitro mitriyād uta na uruṣyet ||
 4.055.06a nū rodasī ahinā budhnyena stuvīta devī apyebhir iṣtaiḥ |
 4.055.06c samudram na sañcarāne sañisyavo gharṃsvāraso nadyo³ apā vran ||
 4.055.07a devair no devy aditiṃ ni pātu devas trātā trāyatām aprayucchan |
 4.055.07c naḥi mitrasya varuṇasya dhāsim arhāmasi pramiyam sānv agneḥ ||
 4.055.08a agnir iṣe vasyāyāgnir mahāḥ saubhagasya |
 4.055.08c tāny asmabhyam rāsate ||
 4.055.09a uṣo maghony ā vaha sūnṛte vāryā puru |
 4.055.09c asmabhyam vājinivati ||
 4.055.10a tat su naḥ savitā bhago varuṇo mitro āryamā |
 4.055.10c indro no rādhasā gamat ||

4.056.01a mahī dyāvāpṛthivī iha jyeṣṭhe rucā bhavatām śucayadbhir arkaiḥ |
 4.056.01c yat sīm variṣṭhe br̥hatī viminvan ruvad dhokṣā paprathānebhir evaiḥ ||
 4.056.02a devī devebhir yajate yajatrair aminatī tasthatuḥ ukṣamāne |

- 4.056.02c ṛtāvāri adruhā devaputre yajñasya netrī śucayadbhir arkaiḥ ||
- 4.056.03a sa it svapā bhuvaneṣv āsa ya ime dyāvāprthivī jajāna |
- 4.056.03c urvī gabhīre rajasī sumeke avamśe dhīraḥ śacyā sam airat ||
- 4.056.04a nū rodasī bṛhadbhir no varūthaiḥ patnīvadbhir iṣayanti sajoṣāḥ |
- 4.056.04c urūci visve yajate ni pātaṁ dhiyā syāma rathyaḥ sadāsāḥ ||
- 4.056.05a pra vām mahi dyavi abhy upastutim bharāmahe |
- 4.056.05c śuci upa praśastaye ||
- 4.056.06a punāne tanvā mithaḥ svena dakṣeṇa rājathaḥ |
- 4.056.06c ūhyāthe sanād ṛtam ||
- 4.056.07a mahi mitrasya sādhatas taranti piprati ṛtam |
- 4.056.07c pari yajñam ni śedathuḥ ||
-
- 4.057.01a kṣetrasya patinā vyaṁ hiteneva jayāmasi |
- 4.057.01c gām aśvam poṣayitnv ā sa no mrlātīdrśe ||
- 4.057.02a kṣetrasya pate madhumantam ūrmim dhenur iva payo asmāsu dhuṣva |
- 4.057.02c madhuścutam ghṛtam iva supūtam ṛtasya naḥ patayo mṛlayantu ||
- 4.057.03a madhumatir ośadhīr dyāva āpo madhuman no bhavatv antarikṣam |
- 4.057.03c kṣetrasya patir madhumān no aṣtv arisyanto anv enaṁ carema ||
- 4.057.04a śunam vāhāḥ śunam naraḥ śunam kṛṣatu lāṅgalam |
- 4.057.04c śunam varatrā badhyantām śunam aṣṭrām ud īngaya ||
- 4.057.05a śunāsīrāv imām vācam juṣethām yad divi cakrathuḥ payaḥ |
- 4.057.05c tenemām upa siñcatam ||
- 4.057.06a arvāci subhage bhava site vandāmahe tvā |
- 4.057.06c yathā naḥ subhagāsasi yathā naḥ suphalāsasi ||
- 4.057.07a indraḥ sitām ni grhṇātu tām pūṣānu yacchatu |
- 4.057.07c sā naḥ payasvati duhām uttarām-uttarām samām ||
- 4.057.08a śunam naḥ phālā vi kṛṣantu bhūmim śunam kīnāśā abhi yantu vāhaiḥ |
- 4.057.08c śunam parjanya madhunā payobhiḥ śunāsīrā śunam asmāsu dhattam ||
-
- 4.058.01a samudrād ūrmir madhumām ud ārad upāmsunā sam amṛtatvam ānaḥ |
- 4.058.01c ghṛtasya nāma guhyaṁ yad asti jihvā devānām amṛtasya nābhiḥ ||
- 4.058.02a vyaṁ nāma pra bravāmā ghṛtasyāsmiṁ yajñe dhārayāmā namobhiḥ |
- 4.058.02c upa brahmā śṛṇvac chasyamānam catuḥśṛṅgo 'vamīd gaura etat ||
- 4.058.03a catvāri śṛṅgā trayo asya pādā dve śīrṣe sapta hastāso asya |
- 4.058.03c tridhā baddho vṛṣabho roravīti maḥo devo martyām ā viveśa ||
- 4.058.04a tridhā hitam pañibhir guhyamānam gavi devāso ghṛtam anv avindan |
- 4.058.04c indra ekam sūrya ekam jajāna venād ekam svadhayā niṣ ṭatakṣuḥ ||
- 4.058.05a eṭā arṣanti hr̥dyāt samudrāc chatavrajā ripunā nāvacakṣe |
- 4.058.05c ghṛtasya dhārā abhi cākaśimi hiraṇyayo vetāso madhya āsām ||
- 4.058.06a samyak sravanti sarito na dhenā antar hr̥dā manasā pūyamānāḥ |
- 4.058.06c eṭe arṣanty ūrmayo ghṛtasya mṛgā iva kṣipaṇor iṣamānāḥ ||

- 4.058.07a sindhor¹ iva prādhvane¹ sūghanāso¹ vātapramiyaḥ¹ patayanti yahvāḥ¹ |
 4.058.07c ghṛtasya¹ dhārā¹ aruṣo¹ na vājī¹ kāṣṭhā¹ bhindann¹ ūrmibhiḥ¹ pinvāmānaḥ¹ ||
 4.058.08a abhi¹ pravanta¹ samaneva¹ yoṣāḥ¹ kalyānya¹ smayamānāso¹ agnim¹ |
 4.058.08c ghṛtasya¹ dhārāḥ¹ samidho¹ nasanta¹ tā juṣāno¹ haryati¹ jātavedāḥ¹ ||
 4.058.09a kanyā¹ iva vaha¹tum etavā¹ u añjy¹ añjānā¹ abhi¹ cākaśīmi¹ |
 4.058.09c yatra¹ somaḥ¹ sūyate¹ yatra¹ yajño¹ ghṛtasya¹ dhārā¹ abhi¹ tat pavante¹ ||
 4.058.10a abhy¹ arṣata¹ suṣṭutim¹ gavyam¹ ājim¹ asmāsu¹ bhadrā¹ draviṇāni¹ dhatta¹ |
 4.058.10c imaṁ¹ yajñam¹ nayata¹ devatā¹ no ghṛtasya¹ dhārā¹ madhumat¹ pavante¹ ||
 4.058.11a dhāman¹ te¹ viśvam¹ bhuvanam¹ adhi¹ śritam¹ antaḥ¹ samudre¹ hṛdy¹ a¹ntar¹ āyūṣi¹ |
 4.058.11c apām¹ anīke¹ samithe¹ ya¹ ābhṛtas¹ tam¹ aśyāma¹ madhumantaṁ¹ ta¹ ūrmim¹ ||

Notes by [Detlef Eichler](mailto:detlefeichler@googlemail.com) (detlefeichler(@googlemail.com):

1. Please note that this PDF file is not for commercial use and released only for personal scholarly activity.
2. This transliteration version of Rigveda is from an ITRANS file which I have created on the basis of [The Aufrecht/van Nooten/Holland \(Samhita\) version of the Rigveda.](http://www.people.fas.harvard.edu/~witzel/onlineRV.htm) (<http://www.people.fas.harvard.edu/~witzel/onlineRV.htm>)
3. The font used for the Rigveda text is URW Palladio IT. In the three words hirānyapraūgaṁ¹ (1.035.05a), dūraūpabdō¹ (7.021.02c), and praūgaṁ¹ (10.130.03c) the font Times New Roman is used for the character ü to show Hiatus between a and u. For the numbers of Maṇḍala, Sūkta, and Mantra at the beginning of each line (1.001.01a) the font Times New Roman is used.
4. Last updated: 15 September 2008